

**E KANISA EYE
MU BIBILIA**

by
J.C.Choate

Published by
World Literature Publications
Winona, Mississippi

© Copyright, J.C.Choate Jaloso

Printed in India, Sri Lanka, Pakistan, Indonesia, Singapore, Guatemala, Russia, Ghana, South Africa, Korea, Philippines and U.S.A.

Translated into more than 50 languages, including Paite, Urdu, Telugu, Tamil, Korean, Zulu, Japanese, Malayalam, Indonesian, Chinese, Spanish, Russian, Bengali, French, Hindi, Ekegussi, Shona, Luo, and Punjabi.

More than 150,000 copies printed and in circulation around the world

This printing, 5000 copies, 2022 - Lubukusu

Wenceslaus Juma, Peter Khaemba Wekesa and Lawrence Katila

Wenceslaus Juma and Luambo Juma Sindani.

Contact: Wenceslaus Juma

(+254)728388958/(+254)733421417

Email: jumawenceslaus@gmail.com

Physical Address:

Kenya, Bungoma county, Kanduyi Sub-County,
Namwacha Village, adjacent to Namwacha Shopping Centre.

Postal Address:

P.O Box 1359, Bungoma, 50200 Kenya

Printed by:

World Evangelism Publications
Winona, MS 38967

LIMANYISIO

Naandika kamakhuwa kali mu sitabu sino mukhurakikha nga kamasomo ke Bibilia khu baandu bali aleeyi khu bise bie kamachuumu 13, lisomo lilala buli khase. Kamasomo akano kabechanga mu Weekend Magazine mu Colombo, Sri Lanka.

Ne, khubela kamakhuwa akano kaandikilwa abaabo bakhali mu kanisa eyo Mwami tawe, nakhaka mbo kabe kamaangu po. Buli lisomo lietila khwilio libirire, ne kamarebo kalondakho.

Ne naacha New Delhi, India, koosi kaarebwa mu sitabu. Sitabu sino siapilwe sichapa mu nimi chichabukhane, ne elino lisichiilila, khurakikhira Sri Lanka nekhuucha Singapore, Guatemala, USA, nende mu marambo kakaandi. Sirumikhilwanga ne Bakristo mu mbeka chichiindi chosi.

Sifuno sie sitabu sino sili khumanyisia e kanisa eye mu Bibilia khu abaabo bakhakimanyile tawe. Ndi nende lisuubila mbo nosisoma alala nende e Bibilia yoo, olabona oli Omwami ali busa nende e kanisa ndala yong'ene, mbo elaangwa lisina liewe, ne mala wenyebwa obe mulala wayo. Yesomela wamwene. Kaaba nolabona oli buli bung'ali nibwo, khobufukiilile. Ne, bwaloba khuba bung'ali tawe, khobulobe. Engila ekiindi mbao tawe.

Nakhasiima Bakristo barumikhire sitabu sino khumanyisia e kanisa eyo Mwami khu basaale babwe. Sirumikhire osi osi ne silaba sie buyeeti.

Nekoomba ndi sitabu sino sipwe sichapa kamakhabi kakaandi kamakali, ne, sabambo sirumikhirwe khukhwolela babaandu bakali mala bamanye Kristo.

J.C. Choate

Winona, Mississippi

January, 2000

KAALIMO

Lisomo Lia Lulala: Sifuno Sie Kanisa.	5
Lisomo Lia Khabili: Liliicha Lie Kanisa.	9
Lisomo Lia Khataru: Liliombakha Lie Kanisa.	14
Lisomo Lia Khane: Simanyisio Sie Kanisa.	20
Lisomo Lie Kharano: Lisina Lie Kanisa.	26
Lisomo Lia Sita: Liliaalwa Lie Kanisa.	31
Lisomo Lia Saba: Khukhwingila Mu Kanisa.	37
Lisomo Lia Munane: Lisaaya Lie Kanisa.	42
Lisomo Lia Tisa: Kimilimo Kie Kanisa	47
Lisomo Lie Khumi: Buambani Bwe Kanisa	53
Lisomo Lie Likhumi Na Ndala: E Creedi Eye Kanisa.	58
Lisomo Lie Likhumi Na Khabili: Lukano Lwe Kanisa.	63
Lisomo Lie Likhumi Na Khataru: E Kanisa Luno Luri.	69

Khebulila: Kaali mu sitabu sino karakikha nga kamasomo ke Bibilia khu baandu bali aleeyi ne mala kaandikwa buli lichuuma mu Weekend Magazine mumbeka cha Colombo, Sri Lanka.

Lisomo Lia Lulala
Sifuno Sie Kanisa.

Salio omundu yesi yesi onyala kakaania ali e Bibilia selomaloma khu kanisa tawe. Ne, e kanisa eya nanu? E kanisa ndala siina? E kanisa siina? Kamarebo akano ne kakandi kane ka kobosibwe, ne kakhali biise bino lekha khumanye e kanisa nisio siina.

Kha khwanje nende khukhwekesia siina nisio sikhali e kanisa tawe. E kanisa ye mu Bibilia seli Katoliki, Protestanti namwe eye si Yahudi tawe. Seli kumwaukho, namwe eye kimiaukho, namwe kumukaanda tawe. Seli kumukaanda kwe kamaingano, namwe kwe limenya lie babaandu, namwe enju niyo bakananilamo tawe. Ne kaaba nekhali silala khu biindu bino tawe, aba e kanisa nisio siina?

Babaandu bakali sebali nende limanya lie kanisa tawe, sikila sebamanyile e kanisa nisio siina tawe. Se bamanyile sifuno siayo sili si, namwe bukhala bwayo buli si, namwe kimilimo kiayo kili milala si tawe. Ne e Bibilia era abuwanga e kanisa nisio siina. Likhuwa e kanisa liama khulikhuwa lie lu Kiriki EKKLESIA, yaani “babalaangwa khururamo”. Nono e kanisa bali babaandu babalaangwa khurura khukhwama musibala mala bengila mu bwami bwo Mwana omusiime owa Wele (Bakolosayi 1:13). Eli kumubili kwa Kristo kwa roho (1 Bakorinjo 12:27), ku kwombakhwa nende abaabo bamuria niye (Baeburania 5: 8, 9), abo nibo kaaonia mala katasa khu kanisa yewe (Marko 16:16, Barumwa 2:47). Mungila ekindi, e kanisa bali abaabo babekeleesia khu Kristo.

Likhuwa e kanisa lirimikhwa mu Bibilia mungila chibili. Lutayayi, lirimikha khukhwimelela abaabo boosi baloonda Kristo musibala sioosi. Elino nilio likhuwa nilio Kristo kaaba nalio nekaaloma ali “Khwako khuboolela ndi, ewe oli libaale, ne khulwanda luno ndiombakhakho e kanisa yase, mala bunyali bwe lifwa se buli kiula tawe” (Matayo 16:18). Chimbaso chichiindi chingali chili mu Bibilia nimwo likhuwa e kanisa lirimikhwa khukhwekesia mbo eli eye musibala mwoosi. Mbo osi osi nio e kanisa enyolekhana musibala, yaaba neli eye mu Bibilia, aba niyo yachana niyo Yesu kaaloma ali aliombakha.

Lwekhabili, likhuwa e kanisa lirumikha khukhwekesia sipupu sili abundu nasilebe musibala. Lola, nga Paulo kaaba na andikila e kanisa yaba e Burumi, ne lundi nalomaloma khulondekhana nende bipupu bibiindi bibiabukhane, kaaloma ali “Chi kanisa cha Kristo chamukheesiisie” (Barumi 16:16). Sekaaba alomaloma khulondekhana nende chi kanisa nga kimiaukho tawe, nekakhali nga bipupu bibiabukhane bie kanisa eyo Mwami mungongo chichabukhane.

Khukhwekesia lundi bulayi, olabona oli kamaandike kalomaloma khu kanisa ebu Korinjo, khu kanisa ebu Efeso, khu kanisa ebu Filipi, ne chichiindi (1 Bakorinjo 1:2; Baefeso 1:1; Bafilipi 1:1). Khu baandu balala, kano koosi ka bareerera chingoyaani munganakani sikila bebasianga busa khu miaukho. Mwikhuwa lia Wele, sola somakhomo khu mwaukho kwosi kwosi tawe. Mwako koosi, khuli nende bipupu ne buli sipupu sili e kanisa eyo Mwami mu baandu nibo silimo, mala bipupu bino bioosi alala bili e kanisa musibala. Selilikho likhuwa lilume tawe kaaba ne khulebilila kimiaukho kioosi mala khuche mu Bibilia khubone e kanisa nga Omwami ne kakiaana.

Nio khumanye bulayi sifuno sie kanisa, khunyoola buyeeti ne khubona mbo e Bibilia yekesia e kanisa nga:

1. Kumubili kwa Kristo. Eli kumubili kwa roho kwa Kristo, ne Kristo omwene ali siirwe sakwo (Baefeso 5:23). Kulio kumubili mulala kwong'ene (Baefeso 4:4), ne kumubili okwo nikwo e kanisa ndala busa eyo (Bakolosayi 1:18).

2. Babaandu benju ya Wele. Likhuwa enju mu maandike limelela luuya. Nono, khunyoola buyeeti bukila khumanye bulayi kaaba nekhubona khuli e kanisa eli luuya lwa Wele. Mu 1 Timoteo 3:15, Paulo aloma ali enju eya Wele eli e kanisa eya Wele omenyile mindali. Wele niye Paapa ne efwe babaana bewe (Bakalatia 3:26,27; Baefeso 1:3).

3. Bubwami bwa Wele. Bubwami bwekesia mbo khuli nende omwami ne Kristo niye Omwami (Lifunulwa khu Yoana 17:14). Ne, khuba Omwami, aba bubwami bukhoya khubao biise bino, mala bulio (Barumwa 8:12). Efwe khuli asi we buruki bwewe, sibala nesirukwa naye, ne, Endakaano Embia niyo lilaka lirumikha mubwami

buno. Bubwami buno nibwo e kanisa (Matayo 16:18,19).

4. Liruuti lie kimisabibu lio Mwami. Kristo niye kumusabibu ne Bakristo bali chisakia (Yoana 15:1-8). Likhuwa liboolwa ano lili mbo, khwenyekha khukhola kimilimo mwiruuti lie kimisabibu liewe mala khusaalile Wele kamatuunda.

E kanisa nono yekesibwe. Nosiima, khaka khusoma kamakhuwa akano mu buwaanga bwe kamaandike mala webonele wamwene. Yaaba nolabona e kanisa nga Wele nekeenya okibone, lilibaasia lioo nende liiba bioosi bila kalukhana, ne, abundi bulamu bwoo bwosi bula kalukhana.

Kamarebo

Nosiima ra mungara likalusia lia ng'ali.

YEE TA 1. E Bibilia elomaloma khu kanisa.

YEE TA 2. E kanisa eli eya Katoliki niyo.

YEE TA 3. Babaandu bakali bamanyile e kanisa nisio siina.

YEE TA 4. Likhuwa e kanisa lirumikhwa mu Bibilia mungila ndala yong'ene.

YEE TA 5. Kristo kaaloma ali aliombakha chi kanisa chewe.

YEE TA 6. Chi kanisa saba cha Esia chili kimiaukho saba kikiabukhane.

YEE TA 7. E kanisa eli kumubili kwa Kristo.

YEE TA 8. Kumubili kuli mulala kwong'ene.

YEE TA 9. Kristo niye siirwe sie kanisa.

YEE TA 10. Bubwami bukhecha tawe.

Nosiima aana likalusia lia ng'ali.

1. Ana bibiindu bilala bikhali e kanisa tawe

2. Likhuwa e kanisa liama khulikhuwa siina lie lu Kiriki?

3. Bindu siina bing'oono e kanisa?
4. Likhuwa e kanisa lirumikhwa mungila siina chibili?
5. Naanu owaloma ali aliombakha e kanisa yewe?
6. Owaloma yuno kombakha chi kanisa chiinga?
7. Chi kanisa saba cha Esia chaaba ndala siina?
8. Kimibili kilio kiinga?
9. Naanu niye Omwami owe babaami?
10. Lilala siina nilio khwenyebwa khukhola mwiruuti lie kimisabibu lio Mwami?

Nosiima bolakho mubwimbi sino nisio siina:

1. Ekklesia
2. Kumubili kwa Kristo
3. Enju eya Wele
4. Bubwami bwa Wele
5. Liruuti lie kimisabibu lia Wele

Lisomo Lia Khabili.
Liliicha Lie Kanisa.

Se bwasia busa ne e kanisa yichao tawe. Yebaasibwa, yang'ool-wa, yalakwa mala yarebwao. E Bibilia yekesia akano koosi bulayi po. Lutaayi, e kanisa yaaba munganakani cha Wele. Paulo kabuulila akano koosi ba baandu ba Wele ebu Efeso “Lekha khupe orio khu Wele lundi Paapa owo Mwami wefwe Yesu Kristo! Sikila mu buambaani bwefwe ne Kristo akhubiita chikhabi khulwe khukhuelesia buli ekhaabi eya Roho mwikulu. Sibala ne sikhabuumbwa tawe Wele yaaba akhuro-bora efwe khaale khuba babewe khubirira mu buambani bwefwe ne Kristo, nio khwole khuuba batakatifu, lundi bakhali ne kamabi ebweeni wewe tawe. Sikila busiime bwewe Wele aba abisia khaale ali khubirira mu Yesu Kristo alakhukhola efwe khube babaana bewe, kano kaaba busangaafu ne sifuno siewe. Khekhufumie Wele khulwe kumwalaalo kwewe kwe luyali, khulwe sianwa sia busa nisio akhuelesia efwe mu Mwana wewe Omukoosi!” (Baefeso 1:3-6). Nosiima manya oli Paulo alikho alomaloma khu kanisa ebu Efeso ne aba bool-ela ali Wele abarobora sibala ne sikhabang'anwa tawe. Liekesia mbo Wele aba nenganakani eye kanisa sibala ne sikhabuumbwa tawe. Kaaba nende enganakani yayo biise ebio, nono yaama mu mebaasio ka Wele. Lili likhuwa libi po khuboombia nende khumocha nisio Wele ebasia khukhwama mu lirakikha.

Lwekhabili, e kanisa elomalomebwakho mu bung'oosi kamakhabiki kakaandi kamakali. Isaya kaaloma ali, “Mundaalo chichiicha, sikulu sie Lukaangu lwa Wele Omunyali Owa Bioosi, siliba sileeyi mu bikulu bioosi, silisutwa sibe angaaki we bikulu bioosi, ne chikholo choosi chilisiichakho. Babaandu bakali baliicha mala balome bali, “Yiicha khuche khu sikulu sia Wele Omunyali Owa Bioosi, mu Lukaangu lwa Wele owa Yakobo. Nio akhwekesie efwe chingila chewe, lundi nio khukeende mungila chewe”, sikila kamekisisio ka Wele Omunyali Owa Bioosi kama Yerusalemu ne khukhwama Sayuni alomaloma khu baandu bewe” (Isaya 2:2,3). Yoeli kaaloma ali, “Mundaalo chichiicha ndichukha Roho wase khu buli mundu, babaana benywe

basoleeli ne bakhaana baling'oola, basaakhulu baliroora kamarooro ne baele benywe baliba ne kamalola” (Yoeli 2:28,29). Khulondakho, Daneli kekesia ali, “Ne mu siise sie babaami abo, Wele owe mwikulu aliimikha bubwami. Bubwami buno se bukhonakibwe tawe. Se alikhoo omundu yesi yesi okhabukwisie tawe. Bukhatubundule bubwami buno bwoosi butambeo, ne kakhali bubweene bukhabeo mindali na mindali”, (Daneli 2:44). Nono, khwolana khubona khuli:

1. Bubwami bukhemekhwe mu ndaalo chimalilisi.
2. Bulimikhwa mu bikulu.
3. Chikholo choosi chiliicha khu bwami buno.
4. Omwami Omunyali Owa Bioosi akhachukhe Roho wewe khu kholo choosi.
5. Bubwami buno bulimikhwa mu ndaalo che bubwami bwe sibala sioosi bwa khane
6. Bubwami buno bukhathubundule ne khurusiao bubwami bubundi bwoosi ne mala bubweene bukhabeo mindali na mindali.

Nono, akano koosi kechusibwa waena? Soma Barumwa 2.

Lwekhataru, e kanisa yaalakwa. Yohana kaaloma ali eli siimbi (Matayo 3:2). Lino liekesia mbo yaaba aambi, namwe mbo echa khwimikhwa mu biise bikekhe abweni ao. Kristo kaalaka ali, “Ne khubolela ewe ndi oli libaale, ne khulwanda luno ndiombakhakho e kanisa yase, ne bunyali bwe lifwa se buli kiuula tawe” (Matayo 16:18). “Nio Yesu achiililila khuloma ali, “Ng’ali mubolela enywe ndi, bali ano balala bakhalifwa tawe khukhwola babone bubwami bwa Wele ne bwiicha ne kamaani” (Marko 9:1). “Mala ababolela ali, “Kaandikwa kali, Kristo khukhwola anyaasibwe mala alamusibwe mu bafu enyuma we chindaalo chitaru, mala mu lisina lieve burume khu likalukhana ne khubeelwa khwe bubwoni bilwachibwe khu kholo choosi, khurakikhira mu Yerusalemu. Enywe muli baloli be bibiindu bino. Ne lola ese samwene ndamurumira enywe nisio Paapa wase asuubisia. Ne khukhwola mu lindiilile mu lukoba lwa Yerusalemu nabwila nga kamaani khukhwama mwikulu ne kamwichakho” (Luka 24:46-49).

Nono lola bung’ali obuno:

1. Bubwami bwaba aambi.

2. Kristo aalaka khubwombakha lifwa liakhaba ne licha khubaa.
3. Balala khu abo babaaba nende Kristo bacha khuba basili balamu mu biise bie khukhwimikhwa khwe bu bwami obuno.
4. Bucha khwicha nende kamaani.
5. Likalukhana nende khubeelwa khwe bubwoni bicha khwilwachibwa mu lisina lieve khu kholo choosi.
6. Bubwami obuno bucha khurakikhila mu lukoba lwa Yerusalemu.

Nosiima ra kamakhuwa akano koosi munganakani nga ne khulikho khucha khulola likhuwa lie khu khwimikhwa khwe kanisa ne mala olabona koosi nekeyekesia.

Khuche khu Barumwa 2. Khosome kalaa nende burekerefu newililamo. Basomi boosi be Bibilia baulilisiana mbo e kanisa yarakikha biise ebino. Khutubakho, nio yarakikhila yaaba Yerusalemu, biise nebili chindaalo chimalilisi, chindaalo che babaami be bu bwami bwe Barumi. Kamaani keecha, burume bwe khukalukhana nende khubeelwa bubwoni bwelwachwa khu kholo choosi, ne e kanisa yaamala yabao khukhwamila abwenao. Lili mbo e kanisa niyo Wele kaaba nayo mumbaasio yemekhwa, bung'oosi bu bwakietilakho bwechusibwa, ne koosi kakaalakwa khu niyo kecha kabao.

Kamarebo

Nosiima aana likalusia lia ng'ali.

1. E kanisa yaabao mukhurakikha waena?
2. Wele kaarobora e kanisa biise siina?
3. Aana kamasina ke bang'oosi bataru babang'oola mbo bubwami bulikho bwicha.
4. Bubwaami buno bulibao khu biise siina?

5. Naanu owalaka khukhwombakha e kanisa?
6. Owalaka oyo kaalaka khukhwombakha e kanisa ya nanu?
7. Ne kaaloma ali aliombakha chi kanisa chinga?
8. Bubwami obuno buliicha nende siina?
9. Siina sikhelwachibwe mu lukoba lwa Yerusalemu?
10. Waena nio onyala wasoma mu Bibilia khuloondekhana nende khukhwimikhwa khwe kanisa?

Nosiima ra mungara likalusia lia ng'ali.

YEE TA 1. E kanisa ye baasibwa, yang'oolwa, yalakwa mala yareb-wao.

YEE TA 2. E kanisa yaamila mu mebaasio ka Wele.

YEE TA 3. Yoana kaaloma ali bubwami buli siimbi.

YEE TA 4. Bubwami yaaba mbo buliicha nende kamaani.

YEE TA 5. Likalukhana nende khubeelwa khwe bubwoni bilil-wachwa mu lisina liewe mu kholo choosi.

YEE TA 6. E kanisa elianjila Yerusalemu.

YEE TA 7. Barumwa 2 elomaloma khu khwimikhwa khwe kanisa.

YEE TA 8. Elineo liaaba mu ndaalo che babaami be bu bwami bwe Barumi.

YEE TA 9. Chindaalo chimalilisi abele charakikhe khale.

YEE TA 10. Bung'oosi nende kakaalakwa bioosi biechusibwa mala biamala biabao.

Nosiima tabusia kamakhuwa akano.

1. “Sibala ne sikhabuumbwa tawe Wele yaaba akhurobora
2. “Kano niko khakhole mundaalo
3. “Wele owe mwikulu aliimikha bubwami. Bubwami buno se
4. “Ndiombakha
5. “Burume khu likalukhana nende khubeelwa khwe bubwooni bil-wachibwe, khurakikhila mu

Lisomo Lia Khataru.
Liliombakha Lie Kanisa.

Mu lisomo liefwe libirire, khwaboone khukhwama mu Isaya 2:2,3, Yoeli 2:28,29, nende Danieli 2:44, khuli bubwami bwo Omwami (namwe e kanisa) buliombakhwa mu ndaalo chimalilisi, mu lukoba lwa Yerusalemu, Roho namalile khukhwicha, ne chikholo choosi chiliicha mu bwami bunu, ne lundi mbo sebulionakibwa mindali na mindali tawe. Ne Kristo kaalaka mu Matayo 16:18, Mariko 9:1, nende Luka 24:46-49, mbo aliombakha e kanisa yewe, mbo eliicha nende kamaani, lundi mbo likalukhana nende khubeelwa bubwoni bililwachwa mu lisina liewe mukholo choosi. Nekhucha nono mu Barumwa 2, khunyoolamo mbo bung'ooosi obuno bwoosi bwechusibwa, ne kakaalakwa koosi kaamala khubao.

Nekhusoma Barumwa 2, khunyoola mbo barumwa baaba mu lukoba lwa Yerusalemu biise ebio. “Nga endaalo eya Pendekositi ne yoola, barumwa boosi baaba bebusiisie abundu alala nende kumwoyo mulala. Ao ne nao lutiri lwauliilikhana khukhwama mwikulu nga lwe khungu engali ne uucha, mala yechula munju nimwo baba ne bekhaale. Nio, babona sisiabonekha nga chinimi che kumulilo, chasalaanila ne khukhwiikha khu buli sia mulala. Boosi bechusibwa Roho Omutakatifu, barakikha khulomaloma mu nimi chichiindi nga Roho Omutakatifu ne aabanyalila khulomaloma. Babao Bayaudi be dini ba bamenyanga mu Yerusalemu, ba bama mu mbeka choosi che sibala. Nga ne baulila luyoka olwo, becha alala mala boosi besi-indukha lukali, sikila buli mulala khu nibo aulila barumwa ne balomaloma buli mundu mu lulomo lwewe” (Barumwa 2:1-6).

Buloli obuno buchiililila khulomaloma khu Bayaudi be bibala bikali ba babao, “Barangararwa lundi bauka lukali, mala bachiililila khureebana bali, “Kano kekesia siina?”. Ne kakhali, babaandi bakholela barumwa sienyameno bali, “Babaandu bano bameelile!”. Mala Petero eema alala ne barumwa basie ekhumi na mulala, mala arakikha khuboolela babaandu bakali abo ne kumumilo kwe angaaki ali:

“Bayaudi basiaase, ne nanywe mwesi mumenyile mu Yerusalemu, khemundekeeresie muboolele sifuno sie kamakhuwa kano. Babaandu bano sebameelile nga ne mwibaasia tawe: chili busa chisa chitaru che kumutikhinyi. Ne kakhali kano niko omung’oosi Yoeli aaloma ali: Wele aloma ali, “Kano niko khakhole mundaalo chimaliilisi, khachukhe Roho wase khu buli mundu, basoleeli ne bakhaana benywe bakhang’oole, baele benywe bakhabe ne kamalola, ne basaakhulu bakharoore kamarooro.....Nio, yesi yesi okhalaange khu lisina lio Mwami akhaonisibwe” (Barumwa 2:12-17, 21).

Enyuma we khukhwekesia mbo koosi kakaaba nekehlekha kaba ke bung’oosi bukhale, Petero kaanja kamelwacho kewe. Kaabekesia mbo Yesu aaba afukiililwa nende Wele mu nibo khubirira mu mayia nende bibiindu bie khuukia nibio Wele aakhola khubirira mu niye. Khu-loondakho, ababoolela nga Kristo nekaanwa nenabo khulondekhana ne khurekekha khwa Wele ne mala kabaambwa khumusalaba ne khukhwirwa nende babaandu bali enje we lilaka. Lundi kabekesia mbo Wele amulamusia khukhwama mu lifwa, amurusia mu bunyali bwalio. Nio are kumwoyo mwabo babaaba ne bamurekeresie, Petero aaloma niko Daudi aaloma ali Kristo khukhwola amenye, afwe, asiikhwe mala alamusibwe, ne lundi aniine angaaki mwikulu nio ekhale alubeka luseecha lwe ndebe eye bubwami eya Wele.

Nachiililila, Petero aaloma ali, “Wele aalamusia Yesu chana oyo khukhwama mu lifwa, ne efwe fweesi khuli baloli khu kano. Alamusibwe khuba kumukhono kumuseecha kwa Wele, oli Paapa wewe, mala anyoolile Roho Omutakatifu khukhwama khu niye, nga ne amusubisia. Nisio mulikho mubona luno ne khuulila sili siianwa siewe nisio akhuchukhiile efwe. Sikila se aaba Daudi owaniina mwikulu tawe, ne kakhali aaloma ali, “Omwami abolela Omwami wase ali, Yikhala ano amukhono kwase kumuseecha, khukhwola nga khola basiku bowo babe endebe eye bikele biowo”. Nono babaandu ba Isiraeli mwesi mumanye ng’ali muli Yesu yuno, niye enywe mwabambile khu musalaba, ali niye Wele akholile Omwami, lundi Kristo”.

Nga baulila bario, bananisibwa mu miooyo, mala baboolela Petero ne barumwa basie bali, “Bawandaayefwe, efwe nono khukhole

siina?”. Petero abakobosia ali, “Buli mulala khwinywe khukhwola akalukhane khurura mubwoni bwewe mala abatiisibwe mu lisina lia Yesu Kristo, nio mubeelwe bubwoni bwenywe, mala mulanyoola si-ianwa sia Roho Omutakatifu. Sikila lisuubisia lia Wele lili khwinywe ne khu baana benywe, ne khu baali aaleyi, boosi nibo Omwami wefwe Wele, akhalaange bamwichekho”. Petero aabekoonjelela ne kamakhuwa kakaandi kamakali ne abachuuba naloma ali, “Khemwionie khukhwama khu sinyasio sisiicha khu baandu be bubwoni bano!”. Bakali khu nibo basuubila burume bwewe mala babatiisibwa, embi babaandu chielefufu chitaru batasikha khu sipupu esio endaalo ng’ene eyo....Ne buli endaalo Omwami Wele atasaanga khu sipupu siabwe abo ba baonisibwanga” (Barumwa 2:32-41,47).

Mu lisomo libira elio lie kamaandike ka Wele, e kanisa eyo Mwami yekesibwa mbo yombakhwa. Olabona oli akano koosi kaaba mu lukoba lwa Yerusalemu. Kamaani ka Roho Omutakatifu kaachukhwa khu barumwa. Kakaakholekha kaaba kakechusia bung’oosi bubwabao khaale. Petero aaloma abuwanga ali, “Ne kakhali kano niko omung’oosi Yoeli aaloma” (Barumwa 2:16), nono sekhulikho nende sikila khwiimbelele tawe. Khutubakho, sikila bang’oosi baaba baaloma bali akano kaliekholekha mu ndaalo chimaliilisi, ne sikila Petero aaloma ali kaaba kakho kekholekha nga omung’oosi ne aaloma ali kaliekholekha, nono aba e kanisa yombakhwa mu ndaalo chimaliilisi. Bayaudi khukhwama mu ngongo choosi babao e ndaalo eyo nga khukaluukhana nende khubeelwa khwe bubwoni nebielwachibwa, ne babaandu embi 3000 baaulila mala baonisibwa ne khutaswa khu kanisa. Nono khubona khuli Kristo koombakha e kanisa mu lukoba lwa Yerusalemu kumwaka kwa AD 33 ne mala yaayibao busa khukhwamila abwenao.

Kamarebo

Nosiima khuboolelekho naanu owaloma kano:

1. Naanu owaloma ali aliombakha e kanisa yewe?
2. Naanu owaloma ali, “Mu ndaalo chichiicha ndichukha Roho owase khu buli mundu?”
3. Naanu owaloma ali, “Wele Omunyali Owa Bioosi aboolela Omwami ali, Yikhala amukhono kwase kumuseecha?”
4. Naanu owaloma ali, “Buli mulala khwinywe khukhwola akalukhane khurura mubwoni bwewe mala abatiisibwe mu lisina lia Yesu Kristo, nio mubeelwe bubwoni bwenywe”?
5. Naanu owaloma ali, “Khemwionie khukhwama khu sinyaaasio sisiicha khu baandu be bubwoni bano?”

Nosiima aana bung’oosi bwa kano:

1. Bubwami bwo Mwami buliombakhwa mu biise siina?
2. Buliombakhwa mu lukoba siina?
3. Chikholo chiinga chiliicha mu bwami buno?
4. Buliicha nende siina?
5. Bulibao khu biise siina?

Nosiima aana likalusia lia ng’ali:

1. Naanu oliombakha e kanisa?
2. Eliicha nende siina?

3. Biina bililwachibwa?

4. Bililwachibwa khu kholo chinga?

5. Bililwachibwa mu lisina lia naanu?

Nosiima aana kamakalusia khu marebo kano khukhwama mu Barumwa 2:

1. Naanu babanyoola Roho Omutakatifu?

2. Makhuwa siina ke khuukia kakeekesia mbo Roho Omutakatifu kaaba kechile?

3. Petero kasuubisia babaandu ariena mbo Kristo kaaba Omwana wa Wele?

4. Babaandu baareba lirebo siina?

Ne likobosia siina nilio baelesibwa?

5. Naanu owatasanga abo babaonisibwanga khu kanisa?

Nosiima bola sino siina nisio:

1. E kanisa

2. Bung'ooosi

3. Pendekositi

4. Likalukhana

5. Libatiisibwa

Lisomo Lia Khane.
Simanyisio Sie Kanisa.

Waaba nende omusaale woo niye wasiima mala katiba busa khale, wanja oriena khumuyiima? Mukhurakikha, olayiima ne khumanya bimanyisio bioosi bimulikho nio wanje khumuyiima. Ne, olanyoola omundu oli nende bimanyisio ebio bioosi, kane ofukiile oli niye oyo niye olayiimanga. Mungila eyo, khuli nende chikanisa chingali musibala. Onyala waamanya oriena eyeyo eli eya ng'ali mwicho choosi? Onyala wamanya oriena mu choosi ndala siina niyo eya Kristo? Likhuyiingilila omanyeye bimanyisio bioosi bie kanisa eya Kristo mala obifwananie nende bimanyisio bie chikanisa chichindi chino. Ne olanyoola e kanisa eli nende bimanyisio bifwanana mu buli ngila nende bimanyisio bie kanisa eya Kristo, olamanya oli wanyoolile e kanisa eya ng'ali. Bimanyisio bino bili bilala siina? Ne, lundi, binyolekhana waena? E Bibilia nio ekhuelesia likalusia lia ng'ali khu marebo akano.

1. Kristo koombakha e kanisa. “Khwako khuboolela ndi ewe oli libaale ne khulwanda luno ndiombakhakho e kanisa yase, mala bunyali bwe lifwa se buli kiula tawe” (Matayo 16:18).

2. E kanisa yaarakikhila mu lukoba lwa Yerusalemu. Eline linyoolekhana mu Luka 24:45-49, nende Barumwa 2:5.

3. E kanisa yaarakikha kumwaka kwa AD 33. Eline liosi linyoolekhana mu Barumwa 2, e kanisa neyoombakhwa khu ndaalo eya Pendekositi.

4. E kanisa yaalangwa lisina lia Kristo. Naalomaloma khu bipupu bibiabukhane, Paulo kaandika ali, “Chi kanisa cha Kristo choosi chamukheesiisie” (Barumi 16:16). Ne lundi aatasakho nalomaloma nende e kanisa mu lukongo lwe e Bukorinjo ali, “Enywe mweesi muli kumubili kwa Kristo, ne buli mulala ali sitonyi siakwo” (Bakorinjo 12:27). Ne kumubili kuno nisio siina? Kuli e kanisa (Baefeso 1:22,23).

5. Baasangi baayo baalangwa Bakristo. “Yaaba e Andioka niyo basubili banyoela khulaangwa bali, ‘Bakristo’” (Barumwa 11:26). “Akuripa akobosia Paulo ali, ‘Wibaasia oli mu siise sitiiti sino olakhola

sesi mbe Omukristo?” (Barumwa 26:28). “Ne kaaba bali oukuumwa sikila oli Omukristo, likhakuambia chisoni tawe, ne kakhali elesia Wele luyali mu lisina elio” (1 Petero 4:16). Mu khumalilikha, khebulila oli, “Buonia bunyoolekha khubirira mu Yesu yeng’ene, mu sibala sioosi se aliio na mulala niye Wele aana onyala khukhuonia efwe tawe” (Barumwa 4:12).

6. Kristo yeng’ene niye siirwe siayo. “Niye ali kumurwe kwe kumubili kwewe kulaangwa e kanisa, niye sinoko sie bulamu bwe kumubili okwo. Niye lirakikha, Omubele khulamusiwa khukhwama mwifwa nio abe owe bweeni mu buli siindu” (Bakolosayi 1:18).

7. E kanisa eli ndala yong’ene. “Khuli ne kumubili mulala ne Roho mulala, bulayi bwene busa nga ne liliio lilieyikina lilala nilio Wele amulangilamo enywe” (Baefeso 4:4). Ne, kumubili kuno nisio siina? Kuuli e kanisa (Bakolosayi 1:18). Nono, kaaba ne kulio kumubili mulala kwong’ene mala kuli e kanisa, aba khulio busa nende e kanisa ndala yong’ene.

8. Kalio kamalaka ke khukhwingila mu kanisa. Mu malaka kano, khulimo nende lisuubila (Baeburania 11:6), likaluukhana khukhwama mubwoni (Barumwa 17:30), liliiyama lie lisubila (Barumi 10:9, 10), nende khubatiisibwa (Mariko 16:16). Omundu alamala kaonisibwa, aba atasibwa khu kanisa (Barumwa 2:47). Lundi Barumi 6:3,4, Bakalatia 3:26,27 nende 1 Bakorinjo 12:13 chikhusomia mbo omundu abatiisibwanga mu Kristo alala nende mu kanisa yewe. Khubirira mu khuloonda kamalaka kano, omundu kebulwaanga mu kanisa, namwe mu bwami (Yoana 3:3-5).

9. Lisaaya lie kanisa lili liliabukhana. Bakristo baboolelwa bebusie alala endaalo endaayi eye lichuma (Barumwa 20:7), mala beembe (Baefeso 5:19), basaaye (Barumwa 2:42), basome ne khukhweyika likhuwa lia Wele (2 Timoteo 2:15), balie lilikolooya lio Mwami (Barumwa 20:7) nende khuaana khu nibio banyoolile mu muruungo (1 Bakorinjo 16:2).

10. Kamekisio ke kanisa kaama mu Bibilia mwong’ene. Nilio e Bibilia eloma lifukiililwa bukhatasibwakho namwe khurusibwakho namwe khukalukhanisibwa tawe (Lifunulwa khu Yoana 22:18,19). E

Bibilia niyo yong'ene eli nende kamekisiko ke kanisa. Bitabu bibiindi, nende kamekisiko kakaama mu maandike kakaandi, bioosi sebifukiilwa tawe.

11. Liliilwa lie kanisa likhoyela khuloonda sifwaani sia Wele. Kristo niye siirwe (Baefeso 5:23) ne buli sipupu sikhoya khuuba ne basaakhulu nende bayeeti basio (1 Timoteo 3; Tito 1). E kanisa eyo Mwami selikho nende siirwe khu sibala namwe lukoba lwe siirwe musibala tawe, ne lundi selikho nende kumukaanda kukimeelela mu lukongo nasilebe namwe musibala mwoosi tawe.

12. Ku mulimo kwe kanisa kuli nende chisakia chitaru. Lusakia lutaayi luli khu khwilwacha elomo endayi (Mariko 16:15,16), lwe khabili khuyeeta nende khukholela kamalayi abo babenyekha (Bakalattia 6:10; Yakobo 2) ne lwe khataru basubili khuchuubana (Baeburania 3:12-14).

13. Buli Mukristo khukhwola amenye limeenya lie lisuubila lilienyebwa Omukristo. Khukhasiima sibala tawe (1 Yoana 2:15; Yakobo 4:4), ne kakhali khukhoya khusaala kamatunda ka roho (Bakalattia 5:22,23). Abo bong'ene bali basuubilwa khu Kristo bakhanyoole ekuutwa eye bulamu (Lifunulwa khu Yoana 2:10).

Ebino nibio bilalakho khu bimanyisio bie kanisa. Bioosi biama mu sifwaani sia Wele----e Bibilia. Yakaniakho e kanisa niyo ochichangamo nende bimanyisio bino. Lolelelakho bimanyisio bitaayi bine. Yerebakho, "Naanu owombakha e kanisa niyo ndimo yino?" Yarakikhwa ne khukhwombakhwa ne Kristo namwe nende omundu okundi?". Lundi yerebakho, "Yarakikhwa ne khukhwombakhwa waena?". "Yarakikhwa mu lukoba lwa Yerusalemu namwe abundu busa aandi?" Chaanakana khukhwireba, "Yarakikhwa biise siina?". Yaaba neyarakikhwa biise bibiindi khurusiakho kumwaka kwa AD 33, aba seli e kanisa eyo Mwami tawe. Lumalilisi, yerebakho, "Lisina lie kanisa yase bali naanu?". Yaaba ne likhali lisina lia Kristo tawe, aba eli eya Kristo mungila siina? Onyala wachanakana, ne kakhali, akano koolile busa khukhuyeeta obone kaaba bali e kanisa niyo olimo eli eyo Mwami namwe eyo mundu. Onyala luundi wa fwananiakho chi kanisa chichiindi khu bimanyisio bie kanisa eyo Mwami mala waa-

bona ne chili cha Wele namwe tawe. Ndi nende lisuubilia mbo olabona bubwabukhasi kaaba mbo olalolelela akano koosi nende kumwoyo kumukangulule.

Kaaba bali olanyoola mbo e kanisa niyo olimo seli eyeeyo eye mu Bibilia tawe, ne lundi seli eya ng'ali tawe, khwekoonjelela ndi lekhanana nayo, oenje bung'ali, obuloonde mala otasibwe khu kanisa niyo onyoola mu Likhuwa lia Wele. Nomalile orio, aba olaba abundu nio buonia bunyolekhanana.

Kamarebo.

Nosiima aana likalusia lia ng'ali:

1. Onyala waenja oriena mala wamunyoola omusale woo owatiba khaale?
2. Khuli nende kimiaukho kimikali kie chikanisa musibala biise bino?
3. Omundu anyala amanya ariena e kanisa eli eya ng'ali?
4. Bimanyisio bie kanisa eya ng'ali binyolekhanana waena?
5. Naanu owombakha e kanisa?
6. E kanisa yaarakikhila waena?
7. E kanisa yaarakikha biise siina?
8. Aana lisina lie kanisa yino
9. Kumubili nikwo siina mu Bibilia?

10. Abaabo bakhola kumubili kuno baalangwa lisina siina?
11. Naanu niye siirwe sie kanisa?
12. Chikanisa chilio chiinga?
13. Aana kamalaka ke khukhwingila mu kanisa

14. Omundu anyala ariena kengila mu Kristo nende mu kanisa?

15. Aana bitonyi bie khusaaya Wele biise nibio basuubili bebusisie alala

16. Lilekisia lie kanisa lili lilala siina?

17. Buli sipupu sie kanisa sikhoyela khuba nende siina?

18. Bolakho chisakia chitaru che kumulimo kwe kanisa chili ndala siina

19. Lili limenya siina nilio Omukristo akhoya khumenya?
20. Naanu balinyoola ekuutwa eye bulamu?
21. Kaaba bali omundu kaarakikha ne lundi kombakha e kanisa, enyala yaaba eyo Mwami?
22. E kanisa enyala yaaba eyo Mwami kaaba bali seyaarakikhila mu lukoba lwa Yerusalemu tawe?
23. E kanisa enyala yaaba eyo Mwami kaaba bali yarakikha biise bia AD 33 nebibirire?
24. E kanisa enyala yaaba eyo Mwami kaaba bali baloondi baayo balangwa lisina liliindi khurusiakho lisina lia Kristo?
25. Yaaba noonisiibwe, Kristo alakhutasa khu kanisa siina?

Lisomo Lie Kharano.

Lisina Lie Kanisa.

Yaaba mbo e kanisa elaba eyeyo eli mu Bibilia, khukhwola ebe nende lisina nilio e Bibilia eana. Ne kakhali, khuli nende chi kanisa chingali chi chombakhwa nende babaandu ne lundi chili nende kamasina niko babaandu bachielesia. Akano keecha kariena? Malala khu masina akano kaanwa khukhebulila babaandu ba barakikha chi kanisa chaabwe nga “Lutheran”. Babaandi batiukha kamasina ke khusuta angaki kamekasio nasilebe, nga liliekisio lie khubatiisibwa namwe engila nasilebe eye khukhola kimilimo kio Mwami. Babaandi batiukha kamasina khulondekhana nende endaalo nasilebe nga Pendekositi namwe eye Sabato. Lundi babaandi batiukha khulondekhana nende buruki ne kimilimo kie basaakhulu be kanisa. Ne, akano koosi, nende kakaandi niko khunyala khulomalomakho, karusia luyali, efuma nende liiria khu Kristo owenyekhana abinyoole, mala kalura khumasina, khufuma nende khufwaani chichamanana nende babaandu.

Kamasina nende chifuma che babaandu bili biibi khubela bifuno bino: Sitaayi, bireera khukabukhanamo. Bira kimiaukho nio Wele akheenya kimiaukho kube tawe. Eline likila babaandu ba kabukhanamo. Lundi biyiingania ne khuloba nilio Kristo kaasaba mu Yoana 17 ali khuba sisiindu silala. Sia khabili, ebino bibiyisibwa mu maandike. Mu 1 Bakorinjo 1:10-17, omurumwa Paulo keekesia basiime liliekhikha lie khukhwetiukha kamasina ke babaandu mala kakila kimiaukho kiichao. Sia khataru, lisina lia Kristo lirusibwao mala kamasina ke babaandu karebwao. Ne, mu maandike khusoma mbo, “Buonia bunyoolekha khubirira mu Yesu yeng’ene, mu sibala sioosi se aliio na mulala niye Wele aana onyala khukhuonia efwe tawe” (Barumwa 4:12). Sia khane, kamasina nende chifuma che babaandu bitibia babaandu, bikoyania kamebaasio, nende lundi biana liliekisia liibi khu ababo bakhamusubila Kristo tawe. Bikila khulekha khusubila khubao. Sia kharano, ebino bikhakile abaabo boosi ba babiefwala, nende abaabo boosi barusibwa khu Kristo khubeela nibio, khubuna.

Khubeela bifuno bino, bibiindu bino bili biibi ne lundi bie bubwoni.

Khuloondekhana nende e kanisa, Kristo kaalaka khukiombakha (Matayo 16:18). Khuboolelwa mbo kakikula nende kamafuki kewe Omwene (Barumwa 20:28), mala niye Omwene ali Omuonia owayo (Baefeso 5:23), ne lundi ali siirwe siayo (Bakolosayi 1:18). Khwako, lili busa lilienyekha mbo e kanisa elaangwe khu lisina liewe nio khuelesie luyali oyoyo owakirakikha, owakiombakha, oli Omuonia owayo ne lundi oli siirwe siayo. Nio Paulo, ne kaandikila e kanisa mu lukoba lwe e Burumi, mala kabayiilila kimilembe khukhwama khu bipupu bibiabukhane bie kanisa mu lukongo nilwo kaabamo, kaaloma ali, “Chi kanisa cha Kristo choosi chamukheesiisie” (Barumi 16:16). Ne lundi nalomaloma khu kanisa mu lukongo lwe Bakorinjo, kaaloma ali, “Enywe mweesi muli kumubili kwa Kristo, ne buli sia mulala ali sitonyi siakwo” (1 Bakorinjo 12:27). Ne, khubeela kumubili kuli e kanisa (Baefeso 1:22,23), yaaba busa alikho alomaloma khu kanisa eya Kristo. E kanisa yiino lundi elangwa mbo e kanisa eya Wele (1 Bakorinjo 1:2; Barumwa 20:28), bubwami bwa Wele (1 Bakorinjo 6:9), bubwami bwa Kristo (Baefeso 5:5), bubwami bwo Mwana wewe Omukoosi (Bakolosayi 1:13), bubwami bwo Mwami wefwe (2 Petero 1:11), e kanisa (Barumwa 13:1), e kanisa eya Wele omenyile mindali (1 Timoteo 3:15), e kanisa eye babaana babele (Baeburania 12:23) ne kamasina kakaandi.

Nono, e kanisa seli busa nende lisina lilala tawe. Abwene na bwene, kha khukhebulile khuli esiiesio sili sia Wele sili sia Kristo ne esiesio sili sia Kristo sili sia Wele. Ne, kamasina akaako koosi kali busa ke kanisa niyo Kristo koombakha. Kaaba nekhali e kanisa eya Kristo tawe, aba eli e kanisa eya naanu? Khutasakho, nolola kamasi-na akaako koosi, liingilila omundu abe nende liliekoomba likali lie khukhwenya khurura khu maandike ka Wele nio koolane khuroborra lisina liliindi khuba lie kanisa eyo Mwami. Lekha khurame busa nende e Bibilia mala khulaange e kanisa lisina nilio e Bibilia ekilaanganga. Abwenao, khulaba khukhola akako kali kang’ali.

Khuloondekhana nende lisina lia abaabo bali mu kanisa, ka maandike lundi kaboola busa abuwanga. Mukhurakikha, omung’oo-

si Isaya kaabola ali Wele Omwene aliaana lisina liiya khu baandu bewe (Isaya 62:2). Omurumwa Paulo elwacha lisina lienelio enyuma we kimiaka kimikali (Barumwa 9:15), nekakhali seliecha liianibwa abuwanga tawe khukhwola be chikholo chichiindi banyoole khuulila elomo endayi mala barie Wele. Akano koosi kechusibwa mu lukoba lwa Andioka luuli Siria nimwo basuubili balangwa mbo Bakristo lutaayi (Barumwa 11:26). Khuloondakho, khusoma niyo Paulo kaaba nekelwachila omwami Akuripa, mala akobosia nga kamaandike kaaboola kali: “Akuripa akobosia Paulo ali, ‘Wibaasia oli mu siise sitiiti sino olakhola sesi mbe Omukristo?’” (Barumwa 26:28). Lumaliilisi, khusoma nio Petero aaloma ali, “Ne kaaba bali oukuumwa sikila oli Omukristo, likhakuambia chisoni tawe, ne kakhali elesia Wele luyali mu lisina elio” (1 Petero 4:16).

Nono, lili busa libonekhana abuwaanga mbo baloondi ba Kristo mu ndaalo nicho Endakaano Embia yaaba ne andikwa balaangwa Bakristo, lundi Bakristo busa. Omwami kenya fweesi khube busa khurio. Yaaba nekhuba nende kamasina kakaandi niko khutasa khu lisina Omukristo, aba se khuli Bakristo ba ng’ali tawe. Lisina Omukristo likhwabukhasia khukhwama khu baandi boosi be mu sibala, ne Omwami enya busa ario.

Mu masina ako koombi--- lie kanisa nende lie baloondi baayo, lisina lia Kristo lisutwa aangaki. Khubeela siina? Khubeela lili lisina lie luuya lwewe (Baefeso 3:14,15), lisina liboofu lukali likhila kamasina koosi (Bafilipi 2:9-11) ne lundi lili lion’ene nimwo buonia bunyoolekha (Barumwa 4:12). Nono, khukhwola khusuubile mu lisina lia Kristo (1 Yoana 5:13), khufukiilile lisina lienelio (2 Timoteo 2:19), khukalukhane mu khulekha khukhola kamabi, mala khubatisibwe mu lisina lienelio (Barumwa 2:38), nio nono aba khusaange alala ne khusaaya mu lisina lienelio (Matayo 19:20), eno nekhukhola buli siindu mu lisina chana (Bakolosayi 3:17). Nekhukhola khurio, aba kane khunyoole bulamu bwa mindali khubirira mu lisina chana (Yoana 20:30,31).

Khwamala khwaara mu mebaasio akako koosi niko khwakhabona, ng’ali, salio yesi yesi onyala aaloma ali se silikhoo siosi siosi

mu lisina tawe. Se bulikhoo buonia bwosi bwosi mu masina nende chifuma che babaandu tawe ne kakhali abaabo boosi babekinisilia kameenako kakhababunie. Lubeka luluundi, khubona mbo buonia buli busa mu lisina lia Kristo.

Kamarebo

Nosiima tabusia kamaandike akano:

1. “E kanisa khukhwola ebe nende lie mu maandike”.
2. Kamasina nende chifuma bie babaandu bili
3. Lisaaba lia lieenya khube nende
4. “Enywe mweesi muli ”
5. “Wele omwene aliaana khu baandu bewe ”

Nosiima ra mungara likalusia lili lia ng’ali.

YEE TA 1. Khukhwola e kanisa ebe nende lisina lie mu maandike nio ebe eye mu maandike?

YEE TA 2. Kamasina nende chifuma bie babaandu bili biibi?

YEE TA 3. Buonia buli busa mu lisina lia Kristo?

YEE TA 4. Omwami keenya efwe fweesi khube nende lisina lilala biise bino?

YEE TA 5. Omundu anyala aelesia Omwami luyali mu lisina liliindi likhali liliewe tawe?

Nosiima aana likalusia lili lia ng’ali.

1. Malala khu masina niko babaandu baana khu chi kanisa keecha kariena?

2. Aanakho bilala khu bifuno bikhola kamasina nende chifuma bie babaandu khuba biibi

3. Kristo aasaba khube nende siina?
4. Boola Paulo kaakhola siina nekanyoola mbo basiime bewe baaba balikho baukhanamo
5. Siina sikila e kanisa elangwe lisina lia Kristo?
6. Boola Barumi 16:16 ebola eli siina.
7. Mu 1 Bakorinjo 12:27, kumubili kwa Kristo kuli siina?
8. Aana kamasina kakaandi ke mu maandike ke kanisa
9. Yaaba bali e kanisa seli eya Kristo tawe, aba eya naanu?
10. Abaabo be mu kanisa baalangwa lisina siina?
11. Aana chimbaaso chitaru chilomaloma khu lisina Omukristo
12. Omwami keenya efwe khube siina biise bino?
13. Kanyalikhana omundu khuba Omukristo owe lukano luluundi khurusiakho olwo lwe mu maandike?
14. Siina sikila nekhweenyekha khusuta aangaki lisina lia Kristo?
15. Kali malala siina niko khukhoyela khukhola mu lisina lia Kristo?

Lisomo Lia Sita.
Liliaalwa Lie Kanisa.

Kristo kemekha e kanisa (Matayo 16:18). E kanisa eyo yombakhwa nende abaabo babaalangwa khukhwama mu baandi, musibala mwoosi (Bakolosayi 1:13,14). Ba baaonisibwa nibo bali mu kanisa (Barumwa 2:47). E kanisa eli kumubili kwewe kwa roho (Bakolosayi 1:18), ne mala kumubili okuno kuli busa mulala kwong'ene (Baefeso 4:4).

Kali busa mbo e kanisa eli eye musibala mwoosi, ne kakhali, yombakhwa nende chiimia ne chielefufu che bipupu bibiabukhane, ne buli sipupu siombakhwa nende babaandu bakali, buli sia mulala naali sitonyi. Eline liekesia mbo buruki bwe kanisa buli bwa buli sipupu, ne sebuli bwe lukongo lwoosi namwe bwe musibala mwoosi tawe. Nono, elino likhuboolela efwe mbo e kanisa seli nende siirwe musibala namwe lukoba lwe siirwe musibala tawe.

Kamaandike kakhwekesia mbo Kristo niye siirwe sie kanisa. Lekha khuloleelele niko kamaandike akano kakhwekesia: “Wele aara bibiindu bioosi aasi mu bikele bia Kristo mala amuana khu kanisa nga Omwami omukali (siirwe) khu biindu bioosi. E kanisa eli kumubili kwa Kristo. Limaliilisia liewe omwene omalanga bibiindu bioosi buli abuundu” (Baefeso 1:22,23). “Sikila omuseecha ali ne bunyali khu mukhasi wewe nga Kristo nali ne bunyali khu kanisa, mala Kristo omwene ali Omuonia owe kanisa, niyo eli kumubili kwewe” (Baefeso 5:23). “Niye ali kumurwe kwe kumubili kwewe kulaangwa e kanisa, niye sinoko sie bulamu bwe kumubili okwo. Niye lirakikha, Omubele khulamusibwa khukhwama mwifwa, nio abe owe bweeni mu buli siindu” (Bakolosayi 1:18). Kamaandike akano nono kakhwekisia siina? Kaboola kali Kristo niye siirwe sie kumubili kwewe kulaangwa e kanisa. Biirwe bilio biinga? Silala sion'ene, ne Kristo niye oli siirwe sienesio, bukhabakho nende okundi niye bayeetana tawe.

Sikila e kanisa yoombakhwa nende bipupu bikali bili chimbeka chichabukhaane, ne lundi sikila Kristo ali siirwe sie kanisa, elino likhwekesia mbo Kristo niye siirwe sia buli sipupu osi osi nio sili, nende lundi mbo Kristo niye siirwe sia yesi yesi oli mu kanisa. Eline nilio likila

Paulo ne kaaloma ali, “Ne kakhali nenyanya mumanye muli Kristo ali omukali khukhila buli mundu, omuseecha ali omukali khukhila omukhasi wewe, ne Wele ali omukali khukhila Kristo” (1 Bakorinjo 11:3).

Liloondakho, buli sipupu, nio sili, khukhwola sibe nende liliaalwa liasio: Kristo nali siirwe, khukhwama mu abaabo bali mu sipupu, basaakhulu nende bayeeti benyebwa khuroborwa mala baaye kamakhuwa ka roho nende ke kumubili ke sipupu esio sili e kanisa. Basaakhulu khukhwola baliinde kimiooyo kia abaabo bali mu sipupu nandakhaola (Baeburania 13:17); bayeeti nabo baaye akaako kali ke kimibili kiabo be mu sipupu (Barumwa 6). Noolola mu maandike, olabona mbo kalomaloma khu basaakhulu, sali omusaakhulu tawe, lundi bayeeti, sali omuyeeti tawe, mu sipupu. Omusaakhulu mulala namwe omuyeeti mulala sanyala emeelela sipupu tawe. Lundi, solabonakho mu maandike basaakhulu nende bayeeti be sipupu silala ne bemelela sipupu sisiindi namwe bipupu bibiindi tawe. Bipupu khukhwola bibe nende busangaanilo akari wabwe ne kakhali silala se simelela sisiindi namwe bibiindi tawe.

Kamakhuwa omusaakhulu, omuliindi, bishopu, omwaayi nende presibayita koosi kalomaloma busa khu mulimo mulala. Aba, omusaakhulu ali omuliindi, bishopu, omwaayi namwe presibayita. Mu Tito 1:5-9, Paulo aana likela mbo: “Nakhulekha mu Kurete nio ong’oone bibiindu bibienyekha khung’oonwa, ne khurobora basaakhulu be kanisa mu buli lukoba. Khebulila niko nakhuboolela. Omusaakhulu owe kanisa akhaba omundu obiiywakho khu liosi liosi tawe, akhoya abe no mukhasi mulala yeng’ene ne babaana babasuubila mu Wele (Bakristo) ne bakhaba ne fuma eye siyubuyubu namwe babe be sileka tawe. Sikila omusaakhulu owe kanisa ali omuliindi owe kimilimo kia Wele, se akhoyela aabiiywakho khu siindi siosi siosi tawe, akhaba omiinyakilisia babaandi namwe oambwa lirima bwangu, namwe omumeesi, namwe owe sisiayuumba, namwe owe kumuluungo kwe chirupia tawe. Khukhwola abe owakaanila bakeni lundi osiima lili lilayi. Akhoya abe omundu owifwiilisia, omuluungi, omutakatifu, lundi owe kimiima kimilayi. Akhoya atiile lukali elomo enyala khusuubilwa lundi efukiilisia ne kamekisiyo. Mu ngila yino

akhanyale khura kumwoyo mu baandu babaandi khubirira mu me-
kisio ka ng'ali ne khukhwekesia kamakhiikha kaabo bakhakafukiilila
tawe". Likela lino lundi lielesibwa mu 1 Timoteo 3:1-7. Nono, seli
mbo buli mundu oli mu kanisa anyala aaba omusakhulu owe kanisa
tawe. Abaabo bong'ene babira likela lino banyala khuroborwa. Ne ka-
khabaamo oyo obira likela lino, khukhwola akhaba mulala yeng'ene
tawe. Mu bipupu nimwo bakhhalimo babira likela lino tawe, baseecha
bakhoya bemeelele khukhwola nga ne balibaamo abaabo babira like-
la lino mala baroborwe khuba basaakhulu be kanisa.

Bayeeti khukhwola boosi baroborwe khukhola kimilimo nende
basaakhulu. Nibo bali bayeeti ne bakhola kimilimo kiabwe aasi we
basaakhulu be sipupu nisio balimo. Paulo aana likela liabwe ali, "Bay-
eeti be mu kanisa boosi bakhoya babe ne kimiima kimilayi kie liiria
khu Wele ne khuba basuubilwa; bakhanywa endali engali namwe
baliukhile chirupia tawe; bakhoyeele beambe khu bung'ali bubwafu-
unulwa bwe lisuubila ne liiba lie mu mebaasio lilayi. Bakhoyeele ban-
yoya khukelwa, ne babira likela elio babe bakholi. Bakhasi babwe boshi
bakhoya babe be kimiima kimilayi ne liiria khu Wele, lundi bakhaba
ne kamakuto tawe, khukhwola babe milengaala lundi basuubilwa mu
buli siindu. Omuyeeti owe kanisa khukhwola abe no mukhasi mu-
lala yeng'ene, abe onyala emeelela babaana bewe nenju yewe bulayi.
Bayeeti bakhola kimilimo kiabwe bulayi banyoola lisiima lilayi lundi
banyala khulomaloma mu bunyindaafu khuloondekhana ne lisuubi-
la liabwe mu Yesu Kristo" (1 Timoteo 3:8-13).

Elino nilio liliaalwa lie kanisa nilio Wele aana. Kristo niye siir-
we, ne buli sipupu sili nende basaakhulu ne bayeeti basio. Aasi wa
bano khuli ne babelwachi, babekisia nende basaangi. Nga Wele ne
enya, sipupu silala ne silekha engila eye bung'ali, bipupu bibiindi bin-
yala biachiililila khuba khungila eye bung'ali. Namwe bipupu bioo-
si khurusiakho silala nebilekha engila eye bung'ali sipupu siramire
silala esio sinyala siachiililila khuba khungila eye bung'ali. Lilienya
lia Wele lili mbo buli sipupu sieyimelele, ne mbao sirukwa nende
sisiindi tawe. Bipupu bino sebi ambanisibwa alala nende kamalaka
ko mundu tawe ne kakhali biaambanisibwa nende busiime. Bipupu

bino bioosi bili nende busangaanilo akari wabwe, ne bikhola kimilimo kia Kristo mu buambani, mala bioosi nebili sisiindu silala mu Kristo. Omundu sanyala akhola engila eya Wele khuba endayi khukhila nga Wele Omwene ne kakikhola tawe.

Mbakhoo mu maandike nio khusoma mbo Paulo namwe omundu okundi yesi yesi kabakho siirwe sie kanisa tawe. Mbakhoo nio khusoma mbo bishopu kemeelakho bipupu bibiabukhaane, namwe omwilwachi kemeelakho sipupu tawe. Mbakhoo nio khuli nende basaayi nende basaangi tawe. Boosi bali sisiindu silala mu moni cha Wele. Chi kanisa chingali chalekha engila eya Wele eye liliaalwa lie kanisa ne sino nisio silalakho sikila ne khuli nende kimiatikho kimikali musibala. Lekha khukobolele e Bibilia mala ekhwekesie liliaalwa lia Wele lie kanisa, ne mala khuliloonde.

Kamarebo

Nosiima aana likalusia lia ng'ali khu marebo kano.

1. Naanu owemekha e kanisa?
2. E kanisa yoombakhwa nende siina?
3. Kumubili kwa Kristo kuli kwa roho namwe kwe chinyama ne bi-kuumba?
4. Chi kanisa chilio chiinga?
5. E kanisa eli eye nende
eyo eli.
6. E kanisa yoombakhwa nende chiimia che chieľefu che
7. Buruki bwe kanisa buli bwe lukongo, bwe mwirambo namwe bwe musibala sioosi?

8. E kanisa eyo Mwami eli nende siirwe musibala namwe lukoba lwe siirwe musibala?
9. Naanu niye siirwe sie kanisa?
10. Baaruki be kanisa abu nasilebe balangwa bali naanu?
11. Kimilimo kie basaakhulu be kanisa nende kie bayeeti kili milala siina?
12. Basaakhulu nende bayeeti bakhoyela khuba benga mu sipupu?
13. Basakhulu balangwa masina siina kakaandi?
14. Likela lie basaakhulu linyoolekhana waena mu maandike?
15. Likela lie bayeeti linyoolekhana waena mu maandike?
16. Sipupu sinyala siaba ne basaakhulu nende bayeeti kaaba bali sesili nende abaabo banyala babira kamakela ke mu maandike tawe?
17. Kaaba bali sebalio banyala khubira kamakela akano tawe, nanu ba benyekhana khuruka e kanisa?
18. Siina sitiila alala bipupu bie kanisa bi biabukhana?
19. Liliaalwa lia Wele lie kanisa linyala khukholwa libe lilayi khukh-ilakho nga ne liaanwa?
20. Petero ali siirwe sie kanisa khulondekhana nende kamaandike?

21. Ne khusoma mu maandike, bishopu kemeelelako bipupu bibiabukhane?
22. Khusomako mu maandike mbo omuliindi kemeelela e kanisa?
23. Khusomako mu Bibilia khulondekhana ne basaayi nende basaangi?
24. Siina sikila nekhuli nende kimiatikho kimikali musibala?
25. Waena nio khunyala khwanyoola sifwani sie liliaalwa lie kanisa?

Lisomo Lia Saba.
Khukhwingila Mu Kanisa.

Mu masomo kefwе khukhwola ano, khwaboone buboofu nende bukali bwe kanisa. Elinо linyoola kamaani nekhusoma mbo Kristo aana bulamu bwewe khubela e kanisa (Baefeso 5:25), mbo kaakikula khu birira khu mafuki kewe Omwene (Barumwa 20:28), ne lundi mbo ali Omuonia wayo (Baefeso 5:23). Khwerebe kamarebo kano: Kristo abele anyala afwila sisiindu sikhali sikhongo po tawe? Abele anyala achukha kamafuki kewe khu siindu sikhali ne bukhala tawe? Abele anyala aaba Omuonia owe sisiindu sikhali siongene silimo buonia tawe kaaba bali omundu anyala anyoola buonia buno abundu aandi osi osi? Bung'ali buli mbo olakalusia oli tawe khu marebo akano koo-si, ne mala aba sewekhikhilekho tawe. Ne, siina sikila babaandu neba boolanga bali e kanisa seli eye bukhala tawe ne omundu anyala aonisibwa enje wayo? Lili mbo abaabo ba bebaasia bario se bali ne limanya lilayi lie kanisa tawe ne baababea khukhwola babe ne kamebaasio ako.

E Bibilia se bolakho mbo e kanisa nio eonia omundu tawe, ne lundi eboola eli khukhwola omundu abe mu kanisa nio aonisibwe. Emeeli eya Noa seyaba nio omuonia tawe ne kakhali Noa nende luuya lwewe khukhwola babe mu meeli nio baonisibwe khukhwama khu meechi. Kali busa kario nende e kanisa. Buli sia mulala oonisibwanga, Wele amutasaanga khu kanisa. Babaandu nebaaulila Elomo Endayi mala bakifukiilila khu ndaalo eya Pendekositi nende chindaalo chichiindi chichaloondakho, kamaandike kaboola kali, “Bafumianga Wele ne khu fukiililwa nende babaandu boosi. Ne buli endaalo Omwami Wele atasaanga khu sipupu siabwe abo ba baonisibwanga” (Barumwa 2:47). Nono, omundu naonisibwa, abechanga mulala khwabo bali mu kanisa eyo Mwami. Yaaba nakhali mulala khwabo be kanisa eyo Mwami tawe, aba akhaonisibwa tawe. Ne mala lili busa lirio, liakhaba ne libonekhana khuba liibi. Yaani, selikhoo likhuwa mbo omundu aonisibwa enje we kanisa eyo Mwami tawe. Omundu anyala aonisibwa nakhali mu miaukho kie babaandu tawe ne kakhali sanyala aonisibwa nakhali mu kanisa eya Kristo tawe.

Nekhuchiililila khusoma ne khukhweyika, omundu sanyala omwene ketasa khu kanisa eyo Mwami tawe. Omwami omwene niye otasaanga khu kanisa yewe. Ne khubeela atasaanga abaabo baonisibwa khu kanisa yewe, e kanisa yoombakhwa nende abo babaonisibwa. Wele aloleelelanga mu mwoyo: khu sifuno sikila omundu na mwichakho alala nende bibiindu bibiindi bikila omundu koolane khukhola akaako kakenyekha nio atasikhe khu kanisa, khubona kaaba bali liiria liewe lili lia ng'ali. Kaaba nali ne liiria lie bung'ali, Wele alamutasa khu kanisa. Kaaba ne likhali lia ng'ali tawe, Wele salamutasa khu kanisa tawe akhaba efwe babaandu ne khumufukiilile khubeela akholile akaako niko khubona mbo kenyebwa. Efwe se khunyala khubona mu mwoyo tawe. Abanga bali omundu omwene anyala etasa khu kanisa, andi boosi bakhafukiililwe, bifuno biabwe bie khu khwenya betasekho ne bikhalelelwakho tawe. Elino nilio likila Wele omwene natasaanga khu kanisa babaandu. Wele sakorwakho naanu owenyekha khutaswa khu baonisibwa ne naanu olikho ne kebea busa tawe.

Khubela Kristo niye Omuonia owe kanisa, ne lundi niye otasaangakho baonisibwa, lili busa mbo omundu omwene keerebe khu khwenya amanye Omwami kenya omundu akhole siina khukhwola nio atasibwe khu kanisa. Nilio omundu kenyebwa khukhola lia andikwa abuwanga mu Bibilia. Mu sitabu sie Barumwa, abaabo babaonisibwa baakhola akaako kakenyebwa mala kakaandikwa. Bitonyi nibio omundu khukhwola abiriremo nio atasikhe khu kanisa bili bino:

1. Omundu khukhwola aulile bung'ali. “Khwako, lisuubila liamanga mu khuulila burume, ne burume bwichanga khubirira mu khwilwacha Kristo” (Barumi 10:17)
2. Khukhwola omundu asuubile mu Wele nende Kristo. “Mukheembelela ne khubelelela tawe. Suubila mu Wele ne lundi suubila akhaba mwise” (Yoana 14:1).
3. Khukhwola omundu akalukhane alekhe bubwoni bwewe. “Muboolela ndi se kali kario tawe; ne mukhekanila ne khukalukhana khukhwama mubwoni bwenywe tawe, mwesi mulabuna nga nibo” (Luka 13:3).

4. Khukhwola omundu eyame Kristo khuba Omwana owa Wele. Kristo omwene aaloma ali, “Khwako buli mundu oufukiilila ese ebweeni we babaandu sesi ndimufukiilila niye ebweeni wa Paapa oli mwikulu” (Matayo 10:32).

5. Khukhwola omundu abatiisibwe nio abeelwe bubwoni bwewe. Libatiisia lino lili lisiikhwa mu meechi (Barumi 6:3,4; Barumwa 8:26-39). “Yesi yesi osuubila mala abatiisibwe alaonisibwa, ne oyo okhasuubila tawe, alakhalakilwa” (Mariko 16:16). “Petero abakobosia ali, “Buli mulala khwinywe khukhwola akalukhane khurura mu bwoni bwewe mala abatiisibwe mu lisina lia Yesu Kristo nio mubeelwe bubwoni bwenywe, mala mulanyoola siianwa sia Roho Omutakatifu” (Barumwa 2:38).

Abele khwekisibwe siina mu lisomo lino anyuma ao? Khuboone mbo Omwami niye otasanga baonisibwa khu kanisa. Eline liekesia mbo omundu naaria niko Omwami aboola mala aonisibwa, ao ne nao atasibwanga khu kanisa. Khwama khubona mbo ne khuulila bung’ali, khwabusuubila, khwakalukhana khukhwama mu bwoni, khweyama Kristo khuba Omwana owa Wele mala khwabatiisibwa, ne aba khunonisibwa. Nono, omundu ne akhola akano koosi, alatasibwa khu kanisa, khubela liiria lia Wele nilio engila ekhuyila mu buonia.

Lundi khunyala khwaloma khuli, Omwami kaaloma ali engila yong’ene eye khu khwingila mu bwami bwa Wele eli khubirira mu khusaalwa mu meechi ne Roho (Yoana 3:3-5). Ne, bubwami bunonisio siina? Buli e kanisa (Matayo 16:18,19). Ne, Omwami ali nende chingila chibili che khu khwingila mu kanisa? Tawe. Khwako, omundu nasuubila mala kabatiisibwa (namalile khusaalwa nende Roho khubirira mu Lomo Endayi niyo ariire mala kaalonda kamekasio kayo) abechanga kebuulwe mu bwami bwa Wele, namwe mu luuya lwa Wele, ne obuno buli e kanisa eyo Mwami.

Lundi, Paulo aloma ali khu batiisibwanga mu mubili mulala (1 Bakorinjo 12:13). Kumubili okuno nisio siina? Nikwo e kanisa (Bakolosayi 1:18). Kilio kimibili kiinga? Mulala kwong’ene (Baefeso 4:4; Baefeso 1:22,23). Omundu anyala engilamo ariena? Khubirira mu khubatiisibwa. Kristo aloma ali khukhwola omundu asuubile mala

abatiisibwe nio aonisibwe (Mariko 16:16). Lilienelio nilio Bakorinjo baakhola (Barumwa 18:8). Khwako, omundu nabatiisibwa mu kanisa, ekelanga sitonyi siayo. Wele amutasaangakho.

Lola, khwakhabona khuli elio engila ndala yong'ene eye khunonisibwa, ne Omwami atasanga abaabo baonisibwa khu kanisa. Librebo lili mbo, ewewe oli sitonyi sie kanisa niyo onyala wasoma mu Bibilia? Kaaba nokhali tawe, aba okhaonisibwa ta. Khoenje mu maandike, khomenieelesie, mala khorie niko Omwami aboola, ne mala alakhutasa khu kanisa yewe.

Kamarebo

Nosiima aana likalusia lia ng'ali.

1. Kali malala siina niko khuboone mu mekasio ke kanisa?
2. Naanu owafwila e kanisa?
3. E kanisa yaakulwa khu bukusi bwa siindu siina?
4. Naanu niye Omuonia owe kanisa?.
5. Khumanya khuriena khuli e kanisa eli sisiindu sikhongo po?
6. Siina sikila balala ne balomanga bali e kanisa seeli sisiindu sikhongo tawe?
7. E kanisa enyala yaonia omundu?
8. Khukhwola omundu abe sitonyi sie kanisa nio aonisibwe?
9. Noa nende luuya lwewe khukhwola babe waena nio baonisibwe khukhwama khu meechi?
10. Khwabakho nende buonia bwosi bwosi enje we meeli?

11. Naanu owatasanga abaabo baonisibwa khu kanisa?
12. Lubaaso siina lwe mu maandike lubola likalusia nilio wama khuana khu lirebo libirire lia 11?
13. Omundu naonisibwa, ao ne nao aba sitonyi sia kanisa siina?
14. Omundu anyala omwene etasa khu kanisa eyo Mwami?
15. Bili bitonyi siina birano nibio khukhwola omundu abiriremo nio abe sitonyi sie kanisa eyo Mwami?
16. Omundu anyala aonisibwa nakhariire ne khuloonda bitonyi bino tawe?
17. Libatiisia nisio siina?
18. Kuli mulimo siina nikwo libatiisia likhola?
19. Bubwami nisio siina?
20. Engila ndala yong'ene eye khukhwingila mu bwami eli eriena?
21. Kumubili nikwo siina?
22. Kimibili kilio kiinga?
23. Omundu anyala engila mu mubili kuno ariena?
24. Chingila che khuonisibwa chilio chiinga?
25. Chingila che khukhwingila mu kanisa chilio chiinga?

Lisomo Lia Munane
Lisaaya Lie Kanisa.

E kanisa yoombakhwa nende abaabo babaonisibwa. Bifuno biki-la nelio bili khusaaya nende khukholela Wele kimilimo khubirira mu Yesu Kristo. Paulo aaloma ali, “Khwako buli siindu nisio mukhola namwe muloma, sikhoya siekholekhele mwisina lio Mwami Yesu, nga ne mupila orio Wele Paapa khubirira mu niye” (Bakolosayi 3:17).

Khulio nende kamasayo kakaabukhana niko khubona mu Nda-kaano Embia. Lutayi, khusoma khulondekhana nende kamasayo niko omundu akhamanyile nisio akhola tawe. Paulo ne kaaba mu lukoba lwa Atemi, keema ebweeni we kumuse kukwaba Mars namalile khubona bifwaani bikali mala aloma ali, “Sikila nga nakeendile mu lukoba lwenywe luno ne khubona abuundu niio musaayilanga, nanyoolile alutare niyo baandikakho bali, ‘KHU WELE OKHAMANYIKHAANE OYO’. Khwako, Wele niye musaayanga ne mukhamanyile oyo, omwene oyo, ali niye ese luno ndikho mwilwachila” (Barumwa 17:23). Nga busa nekhwaba mundaalo echo ne babaandu babasaayanga mu khuloba khumanya, yakhaba aluno ari balio basikhola bario. Balio babaandu chi milioni babenaamilanga bifwaani nende bibindu nibio babuumba, ne lundi balio babaandi chi milioni chingali baloonda bikholwa bie chi dini chaabwe bukhamanya kamaandike kaboola siina tawe.

Lwe khubili, likhuwa lio Mwami lilomaloma khu abaabo nibo kamasaya kabwe kali ka busa. Kristo kaaloma ali, “Bakhola ka busa khu khusaaya ese, bekisia kamalaka ke babaandu busa bali kakaase khane tawe” (Matayo 15:9). Babaandu bakali po basaayanga mungila eyino aluno ari. Buli bung’ali mbo basaayanga Omwami, ne kakhali khusaaya khwabwe khuli busa sikila baloonda kamekisisio ke babaandu alala nende kimiima kiabwe: bibiindu bikhachichana nende liliyenya lia Wele tawe.

Lwe khutaru, likhuwa lia Wele lilomaloma khu masaayo kali kang’ali kakaama mu roho ne mu bung’ali. Kristo aaloma ali, “Wele ali Roho, ne abo bamusaaya khukhwola bamusaaye mu roho ne mu

bung'ali" (Yoana 4:24). Akano kong'ene niko kamasayo niko Wele afukiilila. Kaaba kario mu ndaalo cha Kristo, ne kasiili busa kario aluno ari. Kali kamasayo kayiililwa Wele mu roho (mu liebombia ne limanya) nende mu bung'ali (nga liaandikwa). Wele sayiingililanga omundu yesi yesi khumusaaya tawe, ne kakhali abaabo bamusaaya khukhwola bamusaaye nga ne kenya.

1. Bebusianga alala khusoma nende khukhweyika. Yaakhaba bali Timoteo kaaba kasomesebwa kamaandike khukhwama mu bwanana (2 Timoteo 3:15), Paulo kamuchuuba nga omwilwachi omuele ali, "Khaka nga onyala ofukiililwe mu moni cha Wele, nga omukholi okhaambwa chisoni khu milimo kiewe tawe, oyo owikisianga Elomo eye bung'ali eya Wele nga eli" (2 Timoteo 2:15). Likhuwa lino lili lie Bakristo boosi, lukali po khu biise nibio bebusisie alala khu masaayo. Ebio bili biise nibio Wele alomalomelangamo khu baana bewe khubirira mu likhuwa liewe lili mu maandike. Nekhusoma Barumwa 20:7, khubona Paulo nga nekelwacha khu basiime nga engila ndala eye khusoma ne khu khweyika likhuwa lia Wele.

2. Basabanga Wele. Babaandu nebaamala khuria ne khuloonda Wele khu ndaalo eya Pendekositi, khusoma khuli, "Barumikhira biise biabwe khukhweyika khukhwama khu barumwa, khumenya alala mu busangaanilo, ne bakabana biakhulia ne khusaba Wele" (Barumwa 2:42). Khubirira mu khusaba, babaandu bo Mwami banyoola bubweyangu bwe khulomaloma khu Paapa wabwe oli mwikulu. Mukristo siina onyala ebaasia khu khwakanana nende babaasie basaaye Wele mala balekhe khumusaba?

3. Beemba kimienya kie khumufumia. Paulo aandikila basiime ali, "Lomaloma buli mundu no wasie kamakhuwa ke kimienya kia Wele ne chinyimbo chindakatifu, yimba chinyimbo ne kimienya khu Mwami ne khumufumia mu miooyo kienywe" (Baefeso 5:19). Lundi somakho Bakolosayi 3:16 nende Baeburania 13:15. Khulio nende khukhwiimba kamakhabi kabili. Khurumikhila busa kimimilo kiefwe nende khurumikhila kamatuungu, ching'oma, chikhoombi nende bibiindu bibiindi nga ebio. Wele enya khukhwimba khwa lukano siina? Kenya khukhwimba nende kimimilo kiefwe kiong'ene.

Paulo aaloma ali khurumikhire kimiooyo kiefwe khufumia Omwami. Sekhutuba khu mimilo kiefwe sisiindu sisiindi tawe. Bakristo be bweeni bembanga mu khufumia Wele. Kiabira kimiaka chiimia nio babaandu barakikha khurumikhira bibiindu bibiindi bikhali kimimilo kiabwe tawe mukhwimba khwabwe, bibiindu nibio Wele akhaba-boolela tawe. Ebino sebifukiililwa tawe. Bakristo se banyala bafumia Wele mumiensa ne barumikhira bibiindu bibiindi khurusiakho kimimilo kiabwe tawe. Lili busa nga ne banyala balekha khurumikhira kimimilo kiabwe khusaba Wele. Safukiilila tawe.

4. Bebusianga khulia lilikoolooya lio Mwami. Khuelesebwa sifwaani mu Barumwa 20:7. Mu Matayo 26:26-28 nende 1 Bakorinjo 11, khusomesebwa khulia kumukaati mu khukhebulila kumubili kwa Kristo, ne khunywa sikoombe, namwe kamatunda ke kumusabibu mu khukhebulila kamafuki ka Kristo. Akano khuchiililila khukhola.

5. Baana khu rupia nicho baaba nacho. Paulo kaabolela basiime babaaba mu Kalatia nende ebu Korinjo ali, “Buli khu ndaalo eyo Mwami buli sia mulala khwinywe khukhwola are alubeka chirupia, khuloondekhana nende nisio anyoolile mu muruungo, mala muchibiikhe nio mukhenaana khubuusia chirupia ne nichile tawe” (1 Bakorinjo 16:2). Lundi somakho 2 Bakorinjo 9:7.

Bakristo be bweeni abano bebusianga alala khu ndaalo ye bweeni eye lichuuma (Barumwa 20:7; 1 Bakorinjo 16:2) khusaaya Wele. Bakaambilwa mbo, “Khukhalekha kumwiima kwe khukhwakaanana alala, nga balala ne balikho bakhola tawe. Ne kakhali, lekha khutase khutinyilisiana, nga ne khubona khuli Endaalo yo Mwami elikho yimbiya” (Baeburania 10:25). Mundaalo chino choosi, Bakristo benyebwa khusaaya Wele khu ndaalo ng’ene eyo, khwako likambila elio lili liliabwe boosi. Khusaaya khwe kanisa khuli busa khukhwangu khurio mala khukhila balala bakhuloba. Bebaasia bali khwenyebwa khubekhuleeyi nende kimiima kiirikhirisia, khukhola bibiindu bie khukhwililamo khase na khase, ne khusaba kamasaba ke khukobolela. Se kali kario tawe. Wele aamala khubuula liliensa liewe khuloondekhana nende khumusaaya. Sekhwenyebwa khwalikalukhasiakho yakhaba atiiti tawe. Sekhutubakho tawe ne sekhususiakho tawe. Silaamo

sia Wele sili khu abaabo barusiakho namwe batubakho. Wele aamala khulomaloma ne babaandu bewe khukhwola barie mala baloonde. Nekhukhola khurio, aba nono nio khwasaaya, khwafumia ne khuria Wele mungila niyo enya.

Kamarebo

Nosiima aana likalusia lia ng'ali.

1. E kanisa yoombakhwa nende siina?
2. Sifuno sie kanisa khubao sili siina?
3. Kali malala siina niko khukhoya khukhola mu lisina lio Mwami?
4. Khuli nende kamasaayo kakabukhane kenga mu Ndakaano Embia?
5. Paulo kaaba waena nio kaabona bifwaani bikali?
6. Kaba boolela ali siina khulondekhana nende khusaaya khwabwe?
7. Ne, aluno ari, khulio nende babaandu basisaaya nga abaabo nibo Paulo aalomalomakho?
8. Naanu owaloma ali basaaya Wele busa?
9. Siina siakila khusaaya khwabwe khwaba busa?
10. Aana mu maandike nio likalusia lienelio liama
11. khulikho nende babaandu biise bino bosu basayanga Wele busa?

12. Khusaaya khwa ng'ali khuli khuriena?
13. Yoana 4:24 eloma eli siina?
14. Khusaaya Wele mu roho nisio siina?
15. Khusaaya Wele mu bung'ali nisio siina?
16. Lisaaya siina nilio Wele enya khukhwama khu baandu bewe?
17. Waena nio khusoma nga babaandu ba Wele ne benyebwa khumusaaya?
18. Aana bitonyi birano bie khusaaya Wele
19. Ngila siina nio Wele arumikhiranga khulomaloma khu baandu chindaalo chino?
20. Babaana ba Wele ba mulomalomangakho mungila siina?
21. Khuli nende khukhwimba kamakhabi kenga?
22. Aana khukhwimba nikhwo Wele enya
23. Lilikolooya lio Mwami nisio siina?
24. Bakristo bakaambilwa khukhwebuusia alala ndaalo siina eye lichuuma?
25. Sifwaani sia Wele sie khumusaaya nisio kaelesia omundu sinyala siatasibwakho namwe siarusibwakho?

Lisomo Lia Tisa.
Kimilimo Kie Kanisa

Siina sikila e kanisa nelio? Siboofo siayo sili silala siina? Kimilimo kiayo kili milala siina? Nio khumanye, khukhwola khuche mu likhuwa lia Wele.

Mukhurakikha, lekha khumanye khuli e kanisa seli eye khukhola bie bukhala, khukhwombakha ne khukhwimeelela bikuli bisomia bukesi bwe musibala namwe khukhwombakha ne khukhwimeelela chi hospitali tawe. Lundi, seli ao khukhupa bitabu sichapa ne khubikusia khubela khunyoola bukhala tawe. Khukhola bibiindu bino sekhuli khuubi tawe ne Omukristo anyala khubikhola. Ne kakhali, sebili bilala khu milimo kie kanisa tawe. Sibala sie dini siengiile mu biindu bino lukali po ne mukhukhola khurio, siachanakane khukhwisenda aleeyi ne khurura khu lienya lia Wele khuloondekhana nende e kanisa, alala nende kimilimo kiayo khu baandu bewe.

1. Khukhwilwacha Elomo Endayi. Kristo kaasomia barumwa, namalile busa khulamukha khukhwama mu bafu ne nakhaniina mwikulu tawe ali, “Khwako enywe khemuche mukhole be chikholo choosi babe babeeka base, mubabatiisie mu Lisina lia Paapa nende lio Mwana nende lia Roho Omutakatifu, ne mubekisia khutiila bioosi nibio malile khumulaka enywe. Khebulila muli, ndi nanywe chindaalo choosi, khukhwola khu siakamo sie chiselukho” (Matayo 28:19,20). Ababoolela ali, “Cha mu sibala sioosi mala mwilwache Elomo Endayi khu buli mundu. Yesi yesi osuubila mala abatiisibwe alaonisibwa, ne oyo okhasuubila tawe, alakhalakilwa” (Mariko 16:15,16). Paulo kakelao kachuuba omuele Timoteo ali, “Boola burume obwo. Obe ne sinani sie khububoola siise siakhaba ne sili silayi namwe tawe, yilwacha khusuubisia, khurafwira ne khuraamo kumwoyo nga ne wekisia ne liliefwiilisia likali” (2 Timoteo 4:2). Chilio chimbaso chichindi chingali ne kakhali echino chanyalile busa khukhwekesia mbo lilienya lia Wele lili Elomo Endayi yekisibwe.

E kanisa yakholanga siina mu ndaalo che barumwa? Bakristo baakholanga akaako niko Omwami kaababolela bakhole. Belwacha

likhuwa. Sitabu sie Barumwa silimo akano mu bukali. Nekhulola abaabo boosi babeecha khu Mwami, omwilwachi kaabao mala keki-sia babaandu lilienya lio Omwami. Soma Barumwa 2, 8, 9, 10 nende 16. Ne, naanu babelwachanga nende khusomia Elomo Endayi? Kumunyaakhano nende siibi nebiecha khu baandu ba Wele mu lukoba lwa Yerusalemu, buloli buboola buli, “Basuubili basalanila bacha buli abuundu, ne belwacha Elomo Endayi” (Barumwa 8:4).

Lilondakho, belwacha siina? Lundi, nilio okhoya khukhola lili busa khusoma buloli bwa abaabo babeecha khu Mwami mu sitabu sie Barumwa mala webonele. Mubwimbi, baasomia bu Wele bwa Kristo, niko omundu khukhwola akhole nio aonisibwe, bukhongo bwe kani-sa, bitonyi bie khusaaya Wele, bukhongo bwe limenya lio Omukristo, ne kakaandi. Paulo kara koosi alala mala aaloma ali, “Sikila burume bwe lifwa lia Kristo khu musalaba buli busilu khwaabo balikho ne batiba, ne khwifwe khulikho ne khuonisibwa buli bunyali bwa Wele” (1 Bakorinjo 1:18).

Nekhura alubeka limanya mbo Omwami aaloma ali likhuwa liewe lilwachibwe, Paulo aboola ali lisuubila liamanga mu khuulila burume bwe likhuwa lia Wele (Barumi 10:17). Lundi Kristo aaloma ali, “Mulamanya bung’ali ne bung’ali chana bulamukhola mube balekhuule” (Yoana 8:32). Lola, “Ne banyala bamulaanga bariena khulwe buyeeti baba ne bakhamusuubila tawe? Ne banyala basuubila bariena ne bakhaulila burume? Ne banyala baulila bariena burume ne bakhelwachiibwe” (Barumi 10:14). Akano koosi kakhu-boolela mbo omundu kaatiba (Barumi 3:23; 6:23), ne, busiime bwa Wele khukhwola bwilwachibwe (Barumi 5:8), khukhwekesia mbo omundu ali nende Omuonia (Yoana 3:16), lundi mbo khubirira mu khuria nende khuloonda niko Wele aloma, omundu anyala khuonisibwa khukhwama mu bwoni bwewe (Barumi 1:16,17; Mariko 16:15,16). Abaabo bakhamilye lilienya lia Wele tawe nende abaabo babaamanya mala baaloba khuloonda bakhabune (2 Batesalonike 1:7-9). Khwako, likhuwa lia Wele khukhwola lilwachibwe.

2. Khuyeeta bataambi. Khuli nende kamakhabi niko khukhoya khulolelekho mu Ndakaano Embia kakekesia mbo e kanisa yaaba

nende siisa khwabo babenyekha buyeeti, ne mala, yabayeeta nga ne yaaba ne bunyali bwe khukhola khurio. Mu Barumwa 2:45, khusoma mbo, “Bakusianga kimiaandu kiabwe, mala bakabana chirupia, khuloondekhanana ne butinyu bwa buli mundu”. Bakholanga bario, buli mundu nga ne enyile. Mbao owayikiilisianga okundi tawe. Ne, lundi mu Barumwa 6, khusoma khuloondekhanana nende bulomani bubwecha bwabao akari we ba Kiriki nende ba Yahudi khubeela balekhwa be ba Kiriki sebanyoolanga buyeeti bwe ndaalo nga babasiabwe tawe. Nio barumwa balaanga basuubili alala mala ba baboolela barobore baseecha saba khukhwama mubeene mala bakholwe khuuba bayeeti babemelela kumulimo kwe kanisa kuno.

Khusoma khuloondekhanana nende Paulo nga ne kaacha mu lukoba lwa Yerusalemu khuyeeta batakatifu ba baaba bataambi. Aloma ali, “Sikila mu bulekuhule chi kanisa mu Masedonia ne Akaya chabisia khuaana siianwa khuyeeta bataambi mu baandu ba Wele mu Yerusalemu” (Barumi 15:26). Ne Paulo aandikila basiime ebu Korinjo ali, “Nono, khuloondekhanana ne chirupia chikhoyeele khurusibwa khuyeeta babaandu ba Wele mu Buyuda, khukhwola mukhole nisio naboolela chikanisa mu Kalatia khukhola. Buli khu ndaalo eyo Mwami buli sia mulala khwinywe khukhwola are alubeka chirupia, khuloondekhanana nende nisio anyoolile mu muruungo, mala muchibiikhe nio mukhenaana khubuusia chirupia ne nichile tawe” (1 Bakorinjo 16:1,2).

Naanu owenyebwa buyeeti? Lili lia abuwaanga mbo abaabo bali bataambi mu kanisa nibo bekhuraanga. Bamanani, bakofu, balekhwa, baali nende kamatundubikha, bafubi be Bakristo, ne babaandi. Khusoma mbo, “Nono, buli lwoosi nga ne khuba ne bubweyaangu, khukhoyeele khukholele buli mundu kamalayi, ne lukali khu basiefwe mu lisuubila” (Bakalatia 6:10). Se kali busa bali buli mundu ayeetwa tawe. Mu 1 Timoteo 5, khubona mbo omundu anyala anyoola buyeeti bwa khase na khase ne kaba bali sanyala omwene keyeeta tawe, sali nende balebe banyala bamuyeeta tawe, ne lundi kaayekesia khuba Omukristo omusuubilwa. Chirupia cho Mwami khukhwola chirumikhe mu khuroombosia, se kali mbo yesi yesi osaba naebwa tawe.

Se kali mbo abaabo be mukanisa bong'ene babenyebwa buyeeti tawe. Yesi yesi owenyebwa buyeeti anyala kayeetwa nekaba bali e kanisa eli nende bunyali bwe khuyeeta. Soma Yakobo 1:27 nende Yakobo.

2. Buyeeti buli engila ndala eye khukhwolela babaandu nende Elomo Endayi.

Ne, chirupia chikhola kumulimo okuno cheneyebwa chame wae-na? Chama busa mu abaabo be mu kanisa, nicho baana bulekhule ne kimiooyo kimikwalaafu (1 Bakorinjo 16:1,2; 2 Bakorinjo 9: 6, 7). Liekesia mbo Bakristo nebalekha khurusia, aba e kanisa selaba nende chirupia che khuyeeta abaabo babenyekha buyeeti tawe.

3. Khuchuuba ne khukhwombakha e kanisa. Khuchuuba khuli khukhwombakha, khuana kamaani, khutinyilisia, khuyeeta Bakristo bakhule mu roho. Biindu siina binyala khukhola kamakhuwa akano? Likhuwa lia Wele, busangaanilo, khusaaya Wele, khuyeetana fwabene khu fwabene, bikholwa bilayi, busiime, ne bibiindi. Soma Barumwa 9:31, Barumi 14:19, 1 Bakorinjo 8:1, 1 Batesalonike 5:11, 1 Bakorinjo 14:26, 2 Bakorinjo 12:19 nende Baefeso 4:12.

Mukhumaliilisia, babaandu bakali bareebanga nga e kanisa nenyala yaakhola akano koosi bukhaba nende kumukaanda kukiambasia musibala mwoosi tawe, lundi bukhaba nende omundu mulala oli siirwe musibala tawe, namwe lundi bukhaba nende chingila chichiindi che khuroosia chirupia tawe. Lili mbo engila eyo Mwami niyo eli endayi po, khukhila choosi, ne, e kanisa eli ne ngila ng'eneyo yong'ene ekila ekhole kimilimo kiewe. Wele afumisibwa, ariibwa, nende khubwa luyali biise nibio khukhola lilienya liewe ne khutabusia akaako niko kaakhura khusibala khukakhole. Kristo niye siirwe sie kanisa, ne mu buli sipupu, buli Mukristo khukhwola akhole niko keneyebwa khukhola. Khwako, e kanisa enyala khukhola busa kimilimo kiayo kaaba bali Bakristo baana nga nebenyebwa.

Khukhwilwacha, khuyeeta babenyebwa buyeeti, khuchuuba ne khukhwombakha Bakristo, bioosi bikholwa nio kimiooyo kie babaandu kionisibwe, mala ekhumaliilikha Wele anyoole efuma mu koosi. E kanisa selikho nende kumulimo kukundi kwosi kwosi tawe.

Bukhangarani, ke khuenja bukhala nende khukhola e kanisa ebe busa kumukaanda, bili bikeni khu likhuwa lia Wele. E kanisa eyo Mwami eli kumubili kwa roho kuli musibala ne se kuli kwe sibala tawe. Eenjanga busa lilienya lia Wele ne khulikhola alala nende khukhalabanila babaandu. Khukhwola erame busa engwalaafu lundi endakatifu, nio abaabo bakilimo baonisibwe, mala, Wele owakiombakha anyoole luyali. Eyino niyo e kanisa eyo Mwami, kimilimo kiayo nende sifuno siayo sie khubao.

Kamarebo

Nosiima aana likalusia lia ng'ali.

1. E kanisa eyo Mwami seli mu makhuwa siina tawe?
2. Sibala sie dini sinyoolekhana ne kamakoso ke khukhweingisia mu biindu birera bukhala?
3. Kimilimo kie kanisa kili milala siina?
4. Omwami kaaloma ali siina mu Matayo 28:19,20 nende mu Mariko 16:16?
5. Bakristo be bweeni bakhola siina ne baasalanila bacha buli abundu?
6. Biindu siina bilalakho nibio belwacha?
7. Lisuubila lichanga liriena?
8. Siina sikhukhola khwaba balekhule?
9. Omundu aonisibwa ariena?

10. Naanu bakhabune?
11. E kanisa eli ao khuyeeta abaabo babenyekha buyeeti?
12. Naanu babaroosia chirupia ne bibiindi nio batakatifu bamanani mu lukoba lwa Yerusalemu banyoole buyeeti?
13. Babaandu boosi benyekha khunyoola buyeeti khukhwama khu kanisa?
14. Baandu siina ba benyekha khunyoola buyeeti butaayi?
15. Aana chinjakha che buyeeti buno
16. Abaabo bali enje we kanisa boosi banyala banyoola buyeeti khukhwama khu kanisa?
17. Chirupia nicho e kanisa erumikhila khuyeeta chama waena?
18. Chirupia chino chenyebwa khubusibwa ndaalo siina?
19. Khuchuuba nisio siina?
20. Biindu siina bilalakho birumikha khuchuuba?
21. Wele anyoola efuma nende luyali mungila siina?
22. Naanu niye siirwe sie kanisa?
23. Kimilimo kie kanisa kikholekha khureera siindu siina?
24. E kanisa eli eye musibala?
25. Bukhangarani, khuenja ke bukhala nende bibiindu bibiindi nga bino mu kanisa bili bikeni khu siina?

Lisomo Lie Khumi.
Buambani Bwe Kanisa

Biise bino, sibala sie dini sili nende liliekoomba likali po mbo buambani bube mu kanisa. Chimbilo che khukhaka khuambania chi kanisa choosi chabeele chitiilile kamebasio ke babaandu buli abundu. Sifuno sie likhuwa lino sili mbo khuli nende kimiatikho kimikali po musibala sie dini ne buli mundu kaluyiilile nakio. Ne, buambani se bunyala bwa nyoolekha khubela kimikaanda kie babaandu kifukiilisiane khulekha khufukiilisiana tawe. Kimiatikho kicha khubao busa yaakhaba bali khufukiilisiana khwabelekhoo khu makhuwa malala. Buambani nono bunyolekhana buriena? Likalusia lie lirebo lino lili mu Bibilia. Nio buambani bwa ng'ali bunyolekhane, khukhwola babaandu balekhe kamekasio kaabwe babeene, balekhe kamasina kaabwe, chi kanisa chaabwe, bitabu bie chi creedi che chi kanisa chaabwe, ne bibiindi, mala babukule e Bibilia, bakisome, bakimeniee-lesie, bakisuubile mala bakiloonde. Ao ong'ene nio buambani bwa ng'ali bulanyoolekhela, buambani nibwo Kristo kaasaba ali bubeo mu Yoana 17. Babaandu nebakhola akano, kane boosi basuubile si siindu silala, baloonde kamekasio malala, balaangwe lisina lilala lie mu maandike, bakholele kimilimo alala, basomie sisiindu silala mala boosi bache mwikulu alala. Lilaba likhuwa likhalikho nende busiro bwosi bwosi tawe buambani khunyolekhana nekaba mbo omundu alalekha khuloonda omundu wasie mala kanje khuloonda Kristo.

Kamaandike kabiiya khukabukhana. E Bibilia eboola eli Wele kaabiyila oyoyo obiala bubwabukhani akari we basiime (Chisimo 6: 19). Mu 1 Bakorinjo khuboolelwa nga e kanisa ebu Korinjo ne yaaba nelikho ne kabukhanamo. Paulo se kabafumia khubela lilienelio tawe. Kenyokha lulala ne khukhwonakaka liliaaba ne lireera kumwatikho. Kaanja naloma ali, "Mu bunyali bwo Omwami wefwe Yesu Kristo mwikoonjelela enywe mweesi, bawandaayase, mufukiilisiane mu niko muboolana, nio bubwaukhani bulekhe khubao mwinywe. Ambaanila elala, mube ne kameebasio malala kong'ene, ne sifuno silala" (1 Bakorinjo 1:10). Mala kachiililila ne khureba kamarebo kataru, ne

likalusia khu liosi liosi abeele liekesia busilu bwaako niko abele bak-hola. Kamarebo akano kaba: Kristo akabukhasibwe mu bipupu? Aba Paulo niye owamufwiila enywe khumusalaba? Enywe mwabatiisibwa nga babeeka ba Paulo? Likalusia lie kamarebo kano koosi liakhabele tawe. Khwako, kaabekesia busilu bwe khukabukhana khwabwe.

Omurumwa Paulo chana aandikila basiime e Burumi ali, “Bawandaayase, muchuuba ndi loleelesia abo bareera liliabukhana ne baboonaka lisuubila lie babaandu ne khukhwonaka kamekisio niko mwanyoolile. Yaukhana ne nabo! Sikila abo bakholaanga bibiindu nga ebio birio se balikho bakholela Omwami wefwe Kristo tawe, nekhali kumuluungo kwabwe babeene. Batiimia babaandu baluungi khulwe kamakhuwa kabwe kamalayi ne lilomaloma liabwe lie khuombelesia” (Barumi 16:17,18). Mu Bakolosayi 2:20-22, aloma ali, “Mwafwa ne Kristo mala mwalekhuulwa khukhwama khu baroho ba bamii mu limala. Siina sikila nono, ne mu menya nga be sibala sino? Siina sikila ne muria kamalaka nga, “Mukhatiila khu sino tawe, mukhachanjaama esio tawe”, namwe “Mukhetiila khu siindu esio tawe”? Kano koosi kali busa khu biindu bitaamba bukhala ne bimalile khurumikhirwa. Kano kali kamalaka ne kamekisio ke babaandu busa”.

Akano koosi kaboola busa kali kamekisio ke babaandu, bukesi bwe babaandu ne kamalaka kabwe, khusuta babaandu angaaki nende khufukiilila ne khuloonda bitabu bibiindi khurusiakho e Bibilia bili bibiindu bireera kimiatikho. E lubeka luluundi, buambani bunyolekhana kaaba ne khuloonda Kristo mala burera busangafu. Kristo niye owasaba ali, “Se mbasabila nibo bong’ene tawe, ne kakhali akhaba abo bosuubila mwise sikila burume bwabwe. Saba ndi boosi babe siindu silala. Paapa! Nibo boole khuba mwifwe, nga ewe ne oli mwise ne ese mwiwe. Boole khuba siindu silala nio be sibala basuubile bali ewe wanduma ese” (Yoana 17:20,21). Nono, khulome khuli Kristo aasaba likhanyalikha ta? Tawe! Aba ng’ali buambani bunyalikhana. Liina? Biise nibio khulaloonda Kristo. Kamekisio ke babaandu kala khukabukhasia, ne kamekisio ke mu Bibilia kala khuambasia alala.

Mu Baefeso 4:1-6, khulimo nende engila eye buambani. Rekeeresia, “Ese mwekoonjelela enywe, ese oli omuboe sikila khole-

langa Omwami kimilimo. Menya limenya lilekhaana ne sikelo nisio Wele arao nga amulaanga enywe. Buli lwoosi yeboombia, mube baolu, lundi be khukhwifwiilisia. Yokesia busiime bwenywe khulwe khukhwekhaliikhana. Khola kamaani khuliinda bulala nibwo Roho aananga khulwe kumuleembe kumuambaasianga enywe alala. Khuli ne kumubili mulala ne Roho mulala, bulayi bwene busa nga ne liliio lilieyikina lilala nilio Wele amulangilamo enywe. Aliio Omwami mulala, lisuubila lilala, libatiisia lilala, aliio Wele mulala, Raraawe owe babaandu boosi, oli Omwami owa boosi, akholanga kimilimo khubirira mu boosi, mala ali mu boosi”. Khobone oli elino lili liliekoonjelela mbo buambani bubeo. Khobone lundi mbo, khuli busa nende silala siong'ene khu biindu nibio Paulo alomalomekho. Naanu oyo owibaasia ali bilio khutumakho silala?

Buambani bwe kanisa bweyebeselia mu likhuwa nilio Kristo aaloma ali aliombakha e kanisa yewe (Matayo 16:18), yaani ndala busa, eli kumubili kwewe kwa roho (1 Bakorinjo 12:27), ne, niye omwene nga siirwe siakwo (Bakolosayi 1:18). Salikhoo onyala aaloma ali Kristo ali nende kimibili kibili namwe kimirwe kibili tawe. E kanisa lundi yekesebwa nga enju eya Wele namwe luuya lwa Wele (1 Timoteo 3:15). Ne, chinju chiinga? Ndala busa! Namwe luuya kamakhabiki kenga? Lulala busa! Khusoma mu maandike khuli bubwami bwa Kristo namwe, bubwami bwa Wele, Kristo nali Omwami (Yoana 3:3-5; Bakolosayi 4:11; 1 Timoteo 6:15). Omwami ali nende bubwami bwinga, ne babaami balio benga? Buli siindu sili silala.

Kang'ali, e Bibilia ekhaya liakhaba busa lilibaasio lie kimiaukho kikiicha nga chi kanisa. Kimiaukho ekio nikio kimiatikho. Lubeka luluundi, yekisia buambani, bulala nende bubwichufu. E Bibilia se yekesia e kanisa nga kumukaanda kwa roho kukhanyala kwa manyikhana bulayi tawe, ne lundi nga kulimo babaandu be dini boosi bukkenaana niko basuubila tawe. Ne kakhali, yekesia e kanisa nga kumubili kwa Kristo kukwombakhwa nende abaabo babalaangwa khurura musibala, babaloonda Kristo mala baria ne khutiila kamekisio kewe, abaabo babaonisibwa. Kristo se kakabukhanamo tawe ne e kanisa yewe yosi se yakabukhanamo tawe. Khukabukhanamo nam-

we khuyeeta khukabukhanamo khuli khukhwekhiikha khu Kristo ne khuloba kamekizio kewe, alala nende khuloba niko kaasaba ali kabeo.

Kamarebo

Nosiima aana likalusia lia ng'ali.

1. Khulikhoo aluno ari ne liliekoonjelela liosi liosi mbo buambani bube mu kanisa?
2. Siina sikila aluno ari babaandu bakali ne bali nende kamebaasio ke liambana mu kanisa?
3. Liambana linyala lianyolekhana khubirira khu mikaanda kie babaandu ne kiulilisiane khulekha khuulilisiana?
4. Likalusia khu likhuwa lie buambani lili siina?
5. Biindu siina nibio babaandu khukhwola balekhule nio buambani bubeo?
6. Naanu owasaba ali abo boosi bamuloonda babe sisiindu silala?
7. Buambani bulasaala siina?
8. Kamaandike kabiiyakhokho khukabukhana?
9. Wele abiila naanu?
10. Bolakho 1 Bakorinjo 1:10 eloma eli siina.

11. Aana kamarebo kataru niko Paulo aareba e kanisa ebu Korinjo.
12. Baandu siina nibo khwenyebwa khukhwaukhana nabo?
13. Babaandu bano bakholelanga naanu?
14. Khwenyebwa khulekhana nende babaandu bano?
15. Naanu abaabo basayaanga Omwami busa?
16. Kristo kaasaba ali siina sibeo?
17. Kaasaba likhuwa likhanyalikhana tawe?
18. Aana engila eye buambani
19. Mungila eye buambani, bilimo bibiindu nibio omurumwa alom alomakho. Bibiindu bino bili biinga khu buli sibira?
20. Kristo kombakha chi kanisa chiinga?
21. E kanisa nisio siina?
22. Naanu niye siirwe sie kanisa?
23. Kristo ali ne khutumakho kumurwe nende kumubili mulala?
24. Wele ali nende luuya kamakhabi kenga?
25. Likhuwa lia Wele lila khuambasia namwe lila khukabukhania?

Lisomo Lie Likhumi Na Ndala.
E Creedi Eye Kanisa.

Likhuwa creedi liama khu likhuwa lie lu Latini, credo, ne, mu bubalayi lili “Lisuubila khu siindu, engila eyafukiililwa khuba ne bunyali eye dini, engila yosi yosi niyo omundu eyamilamo lisuubila liewe mu dini, bubwimbikiti bwe kamakhuwa namwe chinganakani chili chinjeko, biombi bifukiililwa namwe khuloondwa”. Omundu ne kebaasia e creedi, lukali kebaasia “e creedi eye Barumwa” nende “e creedi eya Nicea”. Ne kakhali, mbao yosi yosi khwicho enyolekha mu Bibilia tawe. Lundi, buli e kanisa eyoombakhwa nende omundu eli nende e creedi yayo eyaandikwa no mundu mala eli mu bitabu, mu malaka nende mu ngila che khuloondwa, mu lieyama lie lisuubila, ne bibiindi. Ebino bioosi bili busa bitubwa khu likhuwa lia Wele.

Khayo khulome khuli buli sitabu sie creedi sili nende kamakali khukhilakho e Bibilia aba sili nende kamakali khutuma sikelo. Ne lundi, buli sitabu sie creedi sili nende makekhe khukhwola mbo e Bibilia esikhilakho aba sili nende makekhe lukali po. Ne, sitabu sie creedi sili busa nende akaako kali mu Bibilia kong'ene aba se silikho nende bukhala tawe khubela khuli khale nende e Bibilia. Lifunulwa khu Yoana 22:18,19 nende Bakalatia 1:6-9 bi khuboolela ne kamaani mbo se khwenyekha khwatuba khu likhuwa lia Wele tawe, namwe khwalirusiakho tawe, namwe lundi khwabukulakho kakaandi kakhali ka Wele mala khwakakhola khuba nga ka Wele tawe. Nikhwo khuloma khuli, kamaandike ka Wele se kaboombelelwakho khu sisi sisi tawe, (2 Timoteo 3:16,17), kali kamechufu (Yakobo 1:25) ne khukhwola khulomalome busa nga burume bwa Wele ne buli (1 Petero 4:11). Khwako, se lilikhoo liosi liosi likila khwenye bitabu bi-biindi mala bibe mbo nibio bikhuwa bunyali tawe.

Sibala sie dini aluno ari sia kabukhanamo, ne sifuno se sili mbo babaandu baloonda likhuwa lia Wele tawe, ne kakhali khubela bafukiilila chi creedi che babaandu. Bayiingana bali buli kanisa khukhwola ebe nende kamalaka nende kamakhuwa kakaandi kali busa ka-kaayo. Mukhuloma bario, beyama bali e Bibilia yayirebwa alubeka.

Obuno buli buubi bukali po. Lisaaya nende liliekoonjelela liefwe lili mbo buli sia mulala khukhwola are alubeka bitabu bioosi bi biaan-dikwa nende babaandu nebarumikhira kamakesi kaabwe mala fweesi khukobolele busa e Bibilia yong'ene, eli likhuwa lia Wele. E Bibilia se-lakhukabukhania tawe ne kakhali elakhuambania mu Kristo Yesu.

E credi eye kanisa yo Mwami eli ndala siina? Eli mbo se khu-likho nende Omuonia khurusiakho Kristo tawe, ne se khulikho nende e credi khurusiakho e Bibilia tawe. Kamebaasio nende bukesi bwo omundu bwoosi mu dini se bilikho nende bukhala bwosi bwosi tawe. Salikhoo omundu yesi yesi onyala, khulwomwene, aboola ke bung'oosi mu maandike nga omwene enya tawe. Khulomaloma busa nga e Bibilia ne boola. Nga be kanisa eya Kristo, khwayiria ne khuloonda kamekisiyo ke Bibilia ne khwekisia buli mundu khu niyo. Liliekoonjelela liefwe lili mbo buli mundu akisome ne khukimeniee-lesia (Yoana 5:39, 2 Timoteo 2:15). Lili mbo buli mundu, osi osi nio ali, akhole akaako niko esomia.

Se khulikho nende sitabu namwe bitabu bibiindi nibio khu-loonda tawe. Se khusubilakho mbo alikhoo omundu yesi yesi onyala kaandika sitabu sie kamalaka ne bukambisi mala sialekhaanwa nende e Bibilia tawe. Se khusubilakho lundi khuli Omwami kaelesiakho omundu yesi yesi kamaani ke khuandika sitabu sirio tawe. Lundi se khulisubilakho khuli Roho Omutakatifu kanyalilakho omundu yesi yesi khuandika sitabu sirio tawe.

E Bibilia eli likhuwa lia Wele, ne mala lili liong'ene liliama khu Wele, lundi lili nende kumuuya kwewe. Lili liong'ene linyala khu-khuonia. Khutubakho, lili busa likhuwa lia Wele liliba nende bukhalaki khwifwe khu ndaalo emalilisi (Yoana 12:48). Sonyala wanyoola bung'ali nokhachile khu sinoko siabwo tawe. Khwako, nio osuubile bung'ali, khukhwola obuulile (Barumi 10:17). Se lilikho likhuwa lis-indusia tawe khubona mbo babaandu bakali baloonda bubeyi mu makhuwa ke dini. Likhuwa lilondakho aba nono lili kimiatikho nende chingoyani musibala sie dini. Buli buubi mbo omundu acha khu mundu khuenja buyeeti ne saacha khu Mwami tawe. Babaandu baloonda kamekisiyo ke babaandu bukhacha khu Bibilia bamanye

niko eboola tawe. Ne kaaba bali omundu alaonisibwa, khukhwola ache khu mekisio ke Bibilia.

Khutinyilisia babaandu bache khu Bibilia nio bamanye bung'ali bwe kanisa. Khuli nende chi kanisa chikhali che bung'ali tawe chingali musibala. Ndala siina niyo eye bung'ali? Kenyebwa omundu amenielesie buli sia ndala? Tawe! Khulamala busa khwamanya bung'ali bwe kanisa eyo Mwami, se khulabaakho nende buandalafu khunyoola eyeyo eloonda kamekisio ke mu Bibilia tawe.

Khutinyilisia babaandu bache mu Bibilia bamanye bung'ali khu loondekhana nende nisio omundu khukhwola akhole nio aonisibwe. Kamekisio ko mundu kaboola kali khuli nende chingila chingali che khuonisibwa. Ne, nekhulola mu sitabu sie likhuwa lia Wele, khunyoola siboola abuwaanga busa sili omundu khukhwola aulile bung'ali, abusuubile, akalukhane khukhwama mubwoni bwewe, keyame ali Kristo ali Omwana owa Wele, mala abaatisibwe, nio abeelwe bubwoni bwewe (Mariko 16:15,16; Barumwa 2:38). Niko omundu aloma kayeeta sina? Omwami niye oonia, ne nono khukhwola khumuulile mala khumurie nio khuonisibwe.

Khwenyebwa khutinyilisie babaandu bache mu Bibilia mala bamanye lisaaya nilio Wele kenya. Niko omundu aloma ali khuli nende chingila chingali che khusaaya Wele se kali kang'ali tawe. E Bibilia yekisia eli khuli busa nende engila ndala yong'ene eye khusaaya Wele ne mala yaandikwa mu likhuwa liewe (Yoana 4:24).

Se kali busa khu kano kong'ene tawe, ne kakhali, khu koosi niko khwenyebwa nio khumenye limenya lie khuria Wele, khwekoonjelela buli mundu khuli ache mu Bibilia anyoole bung'ali bwako. Babaandu balomanga bali e Bibilia senyala yamanyikhana mu bwichufu tawe, ne lundi mbo boosi se banyala bamanya kakilimo mu khufwanana tawe. Sietani kenya babaandu balekhe khusoma e Bibilia mala nio abatibie. Ne nio buonia bunyolekhe, khukhwola babaandu beechu khu Bibilia, bakisuubile, mala balekhe yong'ene busa ebe niyo ebeke-sia niko benyekha khukhola mu makhuwa ke dini. Elio liong'ene nilio linyala khurera buonia khubela mungila ng'eneyo, omundu salakhola kamutibia tawe.

E creedi yefwe eli si? Yesu Kristo nende likhuwa liewe. Khurusiakho niye, salio okundi tawe. Khusuubila khuli Yesu Kristo ali Omwana owa Wele ne likhuwa liewe nilio lili bung'ali bwoosi, ne lundi liongene lilio. Khulifukiilila ne khuliloonda liongene. Khwekoonjelela buli mundu akhole nga efwe ne khwakhola. Chi creedi che babaandu chinyala busa chakhuyila abundu alala---mumulilo emakoombe. Yesu aaloma ali, “Ese niise engila, bung'ali ne bulamu, se aliio omundu onyala acha wa Paapa nakhabirire khwise tawe” (Yoana 14:6).

Kamarebo

Nosiima aana likalusia lia ng'ali.

1. E creedi nisio siina?
2. Buli kanisa eyombakhwa nende omundu (kumwaukho) eli nende siina?
3. Siina siliiekholekha khwabo batasa namwe khurusia khu likhuwa lia Wele?
4. Kamaandike ke mu Bibilia kali kaboombelwako?
5. Siina sili sisichufu?
6. Khwenyebwa khulomalome khuriena?
7. Khwenyebwako bitabu bibiindi bikhuelesia engila nibio khukh-wola khuloonde?
8. Siina sikila ne khuli nende kimiatikho kimikali musibala sie dini luno?
9. E Bibilia enyala ya khukabukhania?
10. E creedi eye kanisa eyo Mwami eli ndala siina?
11. Kamebaasio kefwende nende kamakesi niko khwebuumba nako bilikho nende bukhala?

12. Omundu alikho nende kamani ke khuboola ke bung'oosi mu maandike nga omwene enya?
13. Khulikhoo nende omundu onyala aandika sitabu sisiolana khu Bibilia?
14. Wele alekhulakho omundu khuandika sitabu mala alome ali siakana nende e Bibilia?
15. Likhuwa lia Wele liama waena?
16. Endaalo emaliilisi, siina siliba bukhalaki?
17. Bung'ali nisio siina?
18. Biise bino, omundu achichanga khu naanu khunyoola buyeeti?
19. Khwenyebwa khuche khu sitabu siina nio khu nyoole bung'ali khulondekhana nende e kanisa?
20. Khulio nende chingila chingali che khuonisibwa?
21. E Bibilia yekisia eli khukhwola omundu akhole siina nio aonisi-bwe?
22. Omwami kabolakho mu likhuwa liewe nisio omundu khukhwola akhole mu khumusaaya?
23. E Bibilia enyala ya manyikhana mu bwichufu?
24. Fweesi khunyala khwamanya ke mu Bibilia mu bufwanane?
25. Naanu yeng'ene niye engila eye khucha mwikulu?

Lisomo Lie Likhumi Na Khabili.
Lukano Lwe Kanisa.

Mu Barumwa 2, lulwaalo lwe kanisa namwe bubwami bwo Mwami lurebwao. Barumwa bali mu lukoba lwa Yerusalemu ne abeele baelesebwe Roho Omutakatifu. Chikholo chingali chaaba chebusisie alala khubela yaaba eli endaalo eya Pendekositi. Petero nende barumwa babaandi baboolela babaandu bali niko omung'ooosi Yoe-li kaaloma niko baaba ne ba bona: mbo Kristo yaaba kafwile mala kalamukhe ne nono chindaalo chimaliilisi chaaba charakikhe. Lika-lukhana khurura mubwoni nende khubeelwa bubwoni bielwachwa, ne babaandu chielefufu chitaru baaulila kamelwacho ke Elomo Endayi mala ba batiisibwa, nio Omwami kabatasa khu sipupu siabo ba banonisibwanga. Ne, khukhwama mu lukoba lwa Yerusalemu, Elomo Endayi yaacha mu Yuda mwoosi, ne mu Samaria, ne khukhwola khu siakamo sie sibala, mala buli mundu mu sibala akiulila (Barumwa 1: 8; Matayo 28:19,20; Mariko 16:15,16; Bakolosayi 1:23).

E kanisa yakhula khangu mundalo che barumwa ne khubalaa khu lwangu. Paulo ne kaataswa khu kanisa, kakeenda chingeendo chitaru che khukhwilwacha Elomo Endayi khu Bayaudi nende be chikholo bosi. Lilialoondakho liaba mbo bakali baaba Bakristo, ne bipupu bie kanisa eyo Mwami bianjisibwa Esia nende Europa. Likhu-wa lino se liaba liliangu tawe ne baapisibwa siibi sikali. Khurakikha, e kanisa yapisibwa siibi mu lukoba lwa Yerusalemu. Basuubili basalanila bacha buli abuundu ne belwacha Elomo Endayi (Barumwa 8:1-4). Biise ne bieseenda, Barumi babiiya Bakristo khu matinyu kamakali kakabaa mala bakhola kwaba kumubayo ne babanyaasia ebweni we babaandu bakali mu bikuuri mu Rumi ne musibala sioosi sisiarukwa ne nabo. Mukhumaliilikha, Paulo kaatilwa, karebwa mu siboe mala kayilwa e Rumi khusitakibwa. Chingano che babaandu chiboola mbo barumwa boosi, khurusiakho Yoana, beerwa khubela Kristo. Chimia nende chielefufu ne abundi chimillioni che Bakristo bosi baatibia bulamu bwabwe.

Yakhaba siibi ne siabao, e kanisa yakhula ne khubalaa. Siibi nisio

yaapisibwa se siakiumisia lukali nga akaako kakaaba nekehokha mukari mwayo tawe. Omurumwa Paulo ang'oola ali endaalo eliicha ne khurura khwe Bakristo khukhwama khulikhuwa khulibao. Kaaba aloma ali endaalo khoyiicha ne bakali mu kanisa eyo Mwami balirura khu bung'ali mala baloonde bubeeyi. Ali koo, "Khuloondekhana ne liliicha lio Mwami wefwe Yesu Kristo ne liliebuusia liefwe elala kuba ne naye: Bawandaayefwe, mwikoonjelela. Mukhaba bakoyanisi-bwa khangu mu khwibaasia khwenywe, namwe mwayusibwa mu miooyo khulwe khuboolelwa muli Endaalo eyo Mwami yoola khale tawe. Wakana mwibaasia muli khwaboola lino nga khwaba ne khung'oola, namwe ne khwilwacha, namwe muli khwaliandika mu barwa. Mukhalekha omundu yesi yesi amubee mu ngila yosi yosi tawe. Sikila Endaalo eyo se liola khuloba ne khukhaba ne khurura khu bung'ali tawe, lundi ne khu khabao nende omumayaanu owalaamil-wa khucha mu nyanja ye kumulilo tawe. Aliyingania buli olaangwa wele namwe sisiindu sisi sisi nisio basaayanga. Omwene alieniinia angaaki wabio bioosi, lundi akhache ekhale mu Lukaangu lwa Wele, mala elaange khuba Wele. Khaba se mukhebulila tawe? Namuboolela kano koosi nga naba nanywe. Ne, siliio sisiindu sikhiingilila kano kalekhe khukhwekholekha luno tawe, mala musimanyile. Mu siise sisialakwa, omumayaanu oyo akhabonekhe. Omumayaanu chana ali khale khu milimo, ne kakhali kakewe ako se kalekholekha tawe, khukhwola nga oyo okakhiingililanga ne akharusibweo. Ne nga arusibwao, omumayaanu oyo akhabonekhe, ne nga Omwami Yesu ne akheeche, akhamwire ne kumuuya khukhwama mukhanwa mwewe ne khumubunia ne buwaanga bwe liliicha liewe. Omumayaanu oyo akheeche ne bunyali bwa Sietani ne khukhola kakafuma kamayia koosi ke bubeeyi ne bibiindu bie khuukia mala arumikhire bubwafuma bubeeyi khwaabo bakhabune. Bakhabune sikila se bakaanila ne khusiima bung'ali nio baonisibwe tawe. Khwako, Wele abarumira bunyali bwe khubatiimia bubakhole basuubile kaali ke bubeeyi. Ekhumaliilikha abo boosi babesangaasia mu bwoni ne bukhasuubila bung'ali tawe, ba khakhalakilwe" (2 Batesalonike 2:1-12).

Nalomaloma khu basaakhulu be kanisa ebu Efeso, Paulo aaloma

ali, “Nono khemweliinde mwabeene ne kamakheese niko Roho Omukatatifu aara mu makhono kenye ali muliinde. Khemube babaayi be kanisa eya Wele, niyo omwene akhola khuba yewe, khubirira mu mafuki kewe Omwene. Manyile ndi ne ngane ndureo, bisuuche bira-fu bilamwingilamo, ne se bilakholelakho siisa kamakheese tawe. Sise siloola nisio babaandu balala bakharure mumukaanda kwenywe mwabeene mala balome bubeeyi ne khutiimia basuubili nio babaloondekho. Khwako, ba meso, mala mukhebulile muli, khu miiko kitaru, nekisia buli mulala khwinywe silo ne kumuusi ne ndila” (Barumwa 20:28-31).

Nga Paulo ne kakaambila, babao khukhwama mu kanisa babenyokha mala baanja khukoyaania ne khurusia basuubili bakali khukwama khu Kristo. Chingano che musibala chiboola chili akano kaanjila mu khwingilila buruki namwe liliaalwa lie kanisa. Omwami karao mbo buli sipupu sieyimeelele sisieene khurura khu bipupu bibiindi, mala sibe nende basaakhulu ne bayeeti basio. Ne kakhali, biise biecha biabira mala bipupu bikali bianja khusuta angaaki omusaakhulu namwe bishopu mulala khukhila babaasie. Ekhumalilikha, biakhola omusaakhulu oreribwe angaaki oyo khukhwimeelela bipupu biabukhane mala liakila omusaakhulu oyo keecha kaba mbo kemelela e kanisa yoosi musibala sioosi. Akano se kekholekha busa lulala tawe, kekholekha khu biise bie kimiiko kimikali. Nekwoola kumwaka kwa 606 AD, bishopu owe sibala sioosi, namwe Pope, owe lusakia lwe kanisa lururire khu maandike kecha kabao, ne e kanisa eya Katoliki niyo khumanyile luno yanjisibwa. Lilala siina liliekholekhana khu kanisa eyo Mwami? Bakeekhe abaabo babaarama mu lisuubila bachaanakana, manya abuundi ne bakhabonekhana abawaanga tawe. Omwami aaloma ali bubwami bwewe namwe e kanisa yewe eliima mindali, mala kali busa kario.

Musibala sie dini, e kanisa eya katoliki yaaba emboofu khukhila choosi. Yeecha yaruka sibala sioosi khu miiko chimia mu biise biman-yikhe nga Chiselukho che Sisiilima (Dark Ages). Eline liicha sikila e kanisa eya Katoliki yemana babaandu bubweyaangu bwe khusoma e Bibilia. Yaloma eli basaayi bayo bongene nibo ba baaba ne bunya-

li bwe khusoma ne khumanya kaakilimo, mala baboolele babaandu babaandi niko baloma bali yekisia. Eline liakila baboolela babaandu busa ako niko bebaasia, namwe niko bauliilisia khuloma, mbo yekisia, nende akaako niko beenya babaandu bamanye kong'ene.

Mu biise bino, e kanisa eya Katoliki eng'ene yaabukhanamo mu sakia chibili--- lusakia lwe Burumi nende lusakia lwe Bukiriki. Akano keecha khubela se bauliilisia khu mekasio malala tawe. Malalakho niko bakhaulilisianakho tawe kaaba nga khuchukhiilisia kameechi khu mundu mu khumubatiisia nende khurumikhira bibiindu nga kamatungu, chikhoombi, ching'oma, nende bibiindi mu khwimba biise bie khusaaya Wele. Nga biise ne biachanakananga, e kanisa eya Katoliki eye Burumi yachiililila khutasa khu ngila chayo kamekasio kakaandi kakhaaba mu Bibilia tawe khubirira mu bikhasio bie bak-hongo bayo. Yaba oli mu miiko kia 1500s, e kanisa yino yolaana khuba emayaanu po mu mekasio nende liiba mala liakila Martin Luther, owaba omusaayi wayo, kaanja khukhwenya khureramo buluungi. Liakila katimanisibwa khukhwama mu kanisa mala karura, ne, kachiililila khukhwekisia ne khukhola akaako niko kaasubila ali kaaba ka ng'ali. Kimilimo kiewe kiasaala kumukaanda kwa abaabo babeenya khukhwabukhana khukhwama khu mamayaanu kaabao, namwe kwa abaabo bayiingana, mala ekhumaliilikha kimiaukho kiasaalikha. Kimilimo kia Luther kiakila mu mbeka chichabukhane musibala khwabamo nende silukuluku sie khukobolela e Bibilia. Abaabo babaakhaka baakhilwa khukalukhila e Bibilia mu buli ngila.

Mu miiko kia 1700s nende 1800s, balala khu baandu be kimiaukho baluyiilila nende kimiatikho ne chingoyaani. Banja akekhe akekhe khulekha khukhwekhikha mu niko baabamo ne khukhwanja khukobolela e Bibilia. Se benya khukhwanjisia lundi e kanisa ekindi tawe ne kakhali benya khukobolela e kanisa niyo basoma bali eli mu maandike. Bamala bakhola bario ne khukhwama abwenao, liliekoonjelela mbo babaandu bakobolele Bukristo bukwalaafu bunyolekhana mu Ndakaano Embia liulilikhananga musibala mwoosi. Chi milioni che babaandu balalekhanga kamekasio ke babaandu mala baba busa Bakristo be mu sipupu sie kanisa eyo Mwami, lundi nebabukula busa

e Bibilia yong'ene khuba buwaanga bwabwe.

Bakristo ne baacha musibala mwoosi khukhwilwacha bung'ali, bamala banyoola e kanisa mu bukwalaafu bwayo neli mumbeka cha Afrika, India, Russia, Poland, nende chimbeka chichiindi khale. E kanisa yino yabao busa nga khukhwama khale. Sekhwenyebwa bali khuloonde lukano lwayo khukhwama mu khwanja nio khumanye khuli niyo eye mu Bibilia tawe. Sifwaani sie kanisa sili mu Bibilia khale, ne, nekhusiloonda, aba khuli e kanisa eyo Mwami. Bumiicho buli elomo eya Wele (Luka 8:11) ne busaalanga busa esio nisio bwasaala mu ndaalo che barumwa--- Bakristo, ne lundi be sipupu sie kanisa eya Kristo. Khumanyile khuli bubwami bwo Mwami bulibao mindali. Khwako, bwayibao busa musibala muno khukhwama mukhurakikha, ne mala bulibao busa mindali na mindali, ne salio omundu namwe sietani yesi yesi onyala kabwonaka tawe. Obuno nibwo bubwami bwo Mwami, e kanisa yewe, eli ne bukhili khukhwama mu khurakikha khukhwola khutabusia, ne lundi elimenya ne naye Omwene.

Kamarebo

Nosiima aana likalusia lia ng'ali.

1. Waena mu Bibilia nio khunyoola lukano lwe khukhwimikhwa khwe kanisa?
2. E kanisa yanjila mu lukoba siina?
3. Babaandu benga babatasibwa khu kanisa biise ebiebio?
4. Elomo Endayi yelwachwa waena aandi?
5. Paulo kakenda chingeendo chinga che khukhwilwacha Elomo Endayi?
6. Paulo kelwachila Bayaudi bong'ene?
7. Mu ngoongo chinga nimwo e kanisa yemekhwa khulondekhana nende kimilimo kia Paulo?

8. Basuubili bakhola siina ne basalanisibwa khukhwama mu lukoba lwa Yerusalemu?
9. Naanu babapia e kanisa eyo Mwami siibi?
10. Barumwa benga babeerwa khubela lisuubila liabwe?
11. Yakhaba siibi ne siabao, e kanisa yakhula?
12. Paulo kakaambila ali siina sikhekholekhe mu ndaalo chimaliisi?
13. E kanisa yaanja khukhwingiililwa eriena?
14. Siina sisiekhokha kumwaka kwa 606 AD?
15. Siina sisiekhokha khu kanisa eyo Mwami?
16. Siina sisiakila kimiiko chimia kikialonda khu mwaka kwa 606 AD nekilaangwa khuba kie Chiselukho che Sisilima?
17. E kanisa ya Katoliki ya kabukhanamo mu sakia siina?
18. Kaba naanu owakhaka khurera buluungi mu kanisa eya Katoliki eye Burumi?
19. Siina sisiakila ne kakhaka khureramo buluungi obuno?
20. Mukaanda siina kumuboofu kukwama mu milimo kiewe?
21. Be kumukaanda okuno, baanyala khukalukha khu Bibilia mungila choosi?
22. Makhuwa siina kakekhokha mu miiko kia 1700s nende 1800s?
23. E kanisa embia aba yaanjisibwa nga babaandu ne bakalukha khu Bibilia nio banyoole sifwani sie kanisa eyo Mwami?
24. E kanisa eye mu Bibilia yanyolekhanakho chimbeka chichiindi musibala nende abaabo babaacha khukhwilwacha Elomo Endayi?
25. E kanisa eya ng'ali eya Kristo elio aluno ari?

Lisomo Lie Likhumi Na Khataru
E Kanisa Luno Luri.

E kanisa eyo Mwami yemekhwa kimiiko chieffu chibili chibiri-re (Barumwa 2) ne lundi elio busa luno nga ne yaba biise ebio. “Elino linyalikha liriena?”, omundu anyala areba. Lili busa mbo nekhuloonda kali mu Ndakaano Embia khunyoola sifwani sie kanisa.

Babaandu balala bebaasia bali, nio khwekesie mbo e kanisa eyo Mwami luno eli busa engene nga eyemekhwa chindaalo echo, khukhoya khukiongakho buli khu mwaka nekhukobola enyuma khukhwoola nga ne khwoola khu ndaalo eya Pendekositi. Elio se lili lia ng’ali tawe. Mukhurakikha, Omwami aaloma ali bubwami bwewe, namwe e kanisa, se bulionakibwa tawe ne lundi bulibao mindali na mindali (Danieli 2:44; Luka 1:33; Baeburania 12:28). Elino liekesia mbo e kanisa yayibao busa musibala muno khukhwama mukhurakikha khukhwola aluno ari. Se lili mbo yenyebwa ebe buli abuundu musibala nio elino libe lia ng’ali tawe. Khuloondakho, khuli nende bumiicho bwe bubwami (Luka 8:11) bubwabiikhwa mu lomo chili mu Ndakaano Embia. Bumiicho obuno nebwasala Bakristo mundaalo che barumwa, bulasaala Bakristo luno. Kaaba bali abaabo babakholwa khuba Bakristo nibo babaaba mu kanisa, aba kali busa kario luno lwoosi. Khwako, linyalikhana e kanisa eyo Mwami khuba osi osi nio Endakaano Embia eli, nekaba busa mbo abaabo bali ne nayo balaria ne khukhola akaako niko eboola.

Wele buli lwoosi kaelesia babaandu bewe sifwaani sie khuloonda. Kaelesia Noa sifwaani sie meeli niyo kaabolelwa khukhwombakha (Lirakikha 6). Kaelesia Musa sifwaani sie liiema litakatifu, namukaambila ali, “Khola buli siindu khuloondekhana nga ne wekesewe ne oli khu sikulu” (Baeburania 8:5). Ne, mu Ndakaano Embia, khubona sifwaani sisichufu sie kanisa eyo Mwami. Nga busa Noa nende Musa benyebwa khuloonda bifwaani nibio baelesebwa, fweesi khukhwola khuloonde sifwaani sie kanisa. Nga busa Noa nende Musa baloonda sifwaani sia Wele sie meeli nende liiema litakatifu mala Wele asiimisibwa nende niko baakhola, khukhwola fweesi

khuloonde sifwaani sie kanisa mala Wele asiimisibwe nende e kanisa elabao, mala elafwaana busa nga Omwene ne kenya. Se khutasakho namwe khurusiakho tawe (Lifunulwa khu Yoana 22:18,19).

Bimanyisio bioosi bie kanisa biarebwa abuwaanga mu Ndakaano Embia. Omwami akhuboolela e kanisa nisio siina, naanu owakimikha, yemekhwa waena, yemekhwa biise siina, yalaangwa lisina siina, lisina lie basaangi bayo lili lilala siina, wenyebwa okhole malala siina nio obe mulala wayo, lisaaya liayo lili liriena nende kimilimo kiayo kili milala siina. Mu Ndakaano Embia, khuboolelwa naanu niye siirwe siayo, yaakulwa khu bukusi siina, naanu niye Omuonia wayo, ne kakaandi. Se silikhoo siosi siosi sisialekhwa enje sikila khuayaaye mu khwenya khumanya e kanisa eli sinaanu nisio ne kimilimo kiayo kili milala siina tawe. Sifwaani siayo sili busa abuwaanga nga likhuwa lia Wele ne lili busa abuwaanga.

Nono, likhuwa liong'ene nilio khwenyebwa khukhola lili khumenielesia e Bibilia mala khumanye e kanisa ndala eli eya ng'ali eyo niyo eliina. Ne khulamanya bung'ali bwayo, mala khwabuloonda, kane khube basaangi bayo mala lundi khube busa e kanisa chana eyo niyo Kristo kombakha mukhurakikha. Bumiicho busaalanga busa khulondekhana ne lukano lwabwo, ne, likhuwa lia Wele lisaala busa Bakristo bali basaangi be kanisa eyo Mwami luno nga ne baaba mukhurakikha.

E kanisa eyo Mwami enyoolekhana musibala mwoosi. Eli ano nende buli abuundu. Enyala yanyoolekhana osi osi nio babaandu baloonda niko e Bibilia eboola, biise biosi biosi. Ne osi osi nio babaandu balekha khuloonda likhuwa lio Mwami, e kanisa eyo Mwami etambao.

E kanisa eya Kristo aluno ari elikho ekhula ne khubalaa khubela eloonda e Bibilia yong'ene. Ebiiya kimiatikho ne esuta Kristo angaaki. Eyino niyo yong'ene e kanisa niyo osomakho mu Bibilia. Seli kumwaukho namwe kumukaanda kwe kimiaukho tawe. Seli Protestanti, Katoliki namwe ndala khu mikaanda kie dini tawe. Ne, aba eli siina nisio? Eli busa e kanisa eyo Mwami. Elio liong'ene.

E kanisa eyo Mwami seli nende siirwe namwe lukoba lwe siirwe mu sibala tawe. Se sutanga omundu yesi yesi angaaki tawe. Se-

likho nende buruki buboofu bubwang'oonwa nende bukeesi bwo mundu tawe. Buli sipupu sieyimeelela, ne sili nende basaakhulu ne bayeti basio abundu nio sili ao, alala nende babelwachi, babekisia nende basaangi basio. Omusaangi mulala sasutwa angaaki khukhila babaandi tawe khubela e kanisa eyo Mwami seli ne bubwabukhasi bwe basaayi nende basaangi tawe.

E kanisa eya Kristo buli lwoosi ebechanga nende basiku bayo. Kimikaanda kie dini nikio babaandu bang'oonwa se kikienya tawe khubela seloondanga chingila chakio tawe. Se kikienya tawe khubela se sangaanga nakio namwe khukielesia kimileembe tawe. Kimanyile kili balio babaandu baloondanga e Bibilia yong'ene, ne nakio kiloon-da kamekasio ke babaandu. Abo be mu mikaanda kino bamanyile bali e kanisa eyo Mwami eloondanga Kristo yeng'ene ne elaangwa lisina liewe lion'ene. Nibo nabo baloonda kamekasio ke babaandu ne khulaangwa kamasina ke babaandu. Bulwaani nibwo barumikh-ira khukhupania e kanisa eyo Mwami se buli bung'ali bwe likhuwa lia Wele tawe, ne kakhali buli busa khuura mu miooyo kie babaandu ekhiinda, khukisa bung'ali, ne bibiindi. Kakhaba kario, kimilimo ki-abwe kikhilwa busa.

E kanisa eyo Mwami mu selukho choosi ebechanga nende bukh-ili. Basiku be musibala boosi alala nende bisieno bie emakoombe bioosi se binyala biakirusiao tawe. Kali ng'ali mbo eli ne basaangi bakekhe po, ne kimikaanda nakio bakali, ne Omwami aboola ali bali bakekhe balionisibwa (Matayo 7:13,14). Kristo ali nende e kanisa ndala yong'ene ne aliicha e ndaalo ndala khubeela niyo (Baefeso 5: 27; Yoana 14:1-6). Niye ali Omwami owe bubwami bwewe ne aliicha khububukula mala abuane khu Wele (1 Bakorinjo 15:24). Ali busa nende omwea mulala yeng'ene (Lifunulwa khu Yoana 21:9) ne endaa-lo elikho yiicha nio acha khwicha khumubukula, oyoyo olaangwa li-sina liewe. Ne babaandi? Ali baboolela ali sekabamanyakho tawe. Ali basiuula (Matayo 15:13). Bali buusibwa ne khumwatwa mu mulilo.

Liliekoonjelela liefwe aluno ari lili mbo khutiile Bukristo bub-wichufu bunyoolekhana mu Ndakaano Embia. Khukobolele likhuwa lia Wele mala libe lion'ene buwaanga bwefwe. Khomanye e Bibilia ne

mala olamanya bung'ali. Kholo akaako niko eloma ne mala olaonisi-bwa ne khutasibwa khu kanisa eyo Mwami nio onyoola mu Bibilia.

Kaaba bali okhaba mulala khwabo be kanisa eya Kristo tawe, khukhuramo kumwoyo ne khukhutinyilisia obe omusaangi wayo. Suubila mu Wele, kalukhana khukhwama mubwoni bwoo, yeyama oli Kristo ali Omwana owa Wele mala obatiisibwe, nio oonisibwe (Mariko 16:16; Barumi 10:10; Barumwa 2:38). Ao ne nao, Omwami alakhutasa khu kanisa yewe mala obe Omukristo (Barumwa 2:47; Barumwa 11:26). Eku, kane okhole orio? Salio yesi yesi ola khuyiin-gilila okhole orio tawe ne kakhali, kaaba ne ola menielesia e Bibilia yoo, khuli ne lisuubila khuli kane wenye khuba busa Omukristo, mala mu bulamu bwoo bwoosi, wenye khumenya nosiimisia Omwami, ne lundi no balaaya bubwami bwewe.

Kamarebo

Nosiima aana likalusia lia ng'ali.

1. E kanisa yemekhwa liina?
2. E kanisa elio biise bino?
3. Lili mbo omundu kenyekha aloonde lung'aafulo lwe kanisa mu miiko kikiabira khukhwola nga ne yanja nio ebe mbo eyo Mwami niyo?
4. Omwami kaaloma ali bubwami bulibao khu biise siina?
5. Bumiicho bwe bubwami buli siina?
6. Bumiicho buno bulasaala siina aluno ari?
7. Wele kaelesia Noa nende Musa siina?
8. Sifwaani sie kanisa eyo Mwami sinyolekhana waena?
9. Bimanyisio bie kanisa eyo Mwami biarebwa waena?

10. Omwami akhuboolela siina khuloondekhana nende e kanisa?
11. Khunyala khwamanya khuriena e kanisa eyeyo eya ng'ali eli mu Bibilia?
12. E kanisa eya Kristo enyoolekhana waena aluno ari?
13. E kanisa yino eli kumwaukho?
14. Eli nende siirwe namwe lukoba lwe siirwe khu sibala khuno?
15. Naanu nibo basiku be kanisa?
16. Basiku bano barumikhiranga bulwaani siina?
17. E kanisa ebechanga ne bukhili mu selukho chino choosi?
18. Kristo acha khwicha khubela siina?
19. Liliekoonjelela liefwe lili siina?
20. Aana bitonyi nibio khukhwola omundu abiriremo nio abe Omukristo ne lundi omusaangi owe kanisa eya Kristo

Nosiima ra mungara elio nilio orobore khuba lia ng'ali.

- YEE TA 1. E kanisa nio Kristo kombakha elio biise bino.
 YEE TA 2. Elio busa me kanisa ndala yong'ene.
 YEE TA 3. E kanisa yino elangwa khu lisina lia Kristo.
 YEE TA 4. Khukhwola omundu abe mulala khu kanisa yino nio aonisibwe.
 YEE TA 5. Kristo acha khwiicha e ndaalo ndala khubukula e kanisa yewe.